

欽定石渠寶笈續編

欽定石渠寶笈續編

第八十五

三山等處藏二

靜宜園一

皇上御筆書畫

御筆仿李公麟天馬圖

一卷

本幅宣德牋本縱九寸三分橫一尺六寸七分白描畫黑白馬二并題

黑簇烏雲白雪體昂藏峙立性龍媒大宛致貢

尋常事漢武那稱天馬徠 癸酉秋八月偶仿  
李公麟法并題鈐寶四幾暇怡情寓意于物畫  
禪室稽古愛民

引首

御筆 龍為友 鈐寶一乾隆宸翰

鑑藏寶璽古希天子五福五代堂古稀天子寶八  
徵老念之寶所有同春舊畬經訓寓意于物用  
筆在心石渠寶笈所藏

御筆畫九株松圖 一奉

本幅宣德牋本。縱九寸三分。橫三尺五寸五分。水墨畫。攝山九株松景。并題。

觀象為乾。數合陽。奇形古貌。鬱蒼蒼。攝山擬作香山。喚九老。居然會會昌。丁丑春。題九株松。御筆并寫。鈐寶三。幾暇怡情。乾隆宸翰。入眼秋光。盡足詩。

引首

御筆 霞峯擢秀 鈐寶 一乾隆宸翰

鑑藏寶璽 石渠寶笈所藏

御筆樂善堂記 一卷

本幅宋牋本縱九寸橫一尺四寸一分行書  
樂善堂記 昔樂善堂集中有所謂樂善堂記  
者蓋用此堂之名以名圓明園

賜居桃花塢之堂而記亦記彼處之勝與宮中此堂  
無涉也然彼時之樂善祇數典漢東平王以為  
至。今斯堂則為重華宮之前殿不可以桃花塢  
堂之記繫之因思東平之樂善原數典於大舜

所謂樂取於人以為善也。茲適為重華宮之前  
殿。則今之樂善祇宜景仰大舜之為而不必更  
宥於東平之蹟矣。夫大舜之取諸耕稼陶漁之  
善。世遠固不可徵。而詢岳咨牧載在虞書者。彰  
彰可考。無非舍己從人。與人為善。而地平天成  
庶績咸熙。胥於是乎基之。是乃千古帝王之法  
則。而非藩服屏翰者所可相提並論。其事體大  
而責任重也。昔之效東平為甚易。今之企大舜

為纂難。是不可無記。以朝夕體之心。而措諸政也。然而其志在是。其慙亦在是矣。辛巳季春之月。御筆。鈐寶三。妙意寫清快。乾隆。

引首

御筆。同人自勗。鈐寶一。乾隆御筆。  
鑑藏寶璽。石渠寶笈所載。





御筆三老五更說一卷

〔本幅蠟箋本縱一尺一寸橫二尺八寸二分〕  
行書

三老五更說 三老五更之說不見於詩書其  
見於禮記者蓋出乎漢儒非孔子之言惟左傳  
三老凍餒之文為最古然傳謂公聚朽蠹而三  
老反不見養遇非與五更相提並論也注三老  
五更者多矣或謂上中下壽或謂工商農而不

及五更

出左傳孔疏

或謂明天地人與五行之事

出

虎通或謂取象三辰五星

出後漢書禮儀志

或謂知三德

五事者

出鄭康成禮記注

各以臆度不堪俚指矣至蔡

邕獨斷乃有父事兄事之說而白虎通之謬直

以為老更各一人且曰父一而已不宜有三吁

可怪哉天子養老即所以教孝於天下何至以

父事之且即其說父一而已則天子已自有父

今復事一人是非二父乎腐儒執虛文而謬大

義真不值一喙耳。豈復解更為。更謂承亥之訛。  
夫更與老同。既有老。又何藉更為哉。子以為三。  
者。天地人之數。養老自以三舉其數耳。若夫五。  
更則更事之說為近。而五倫五常莫不具於此。  
人數不必其備。行之以敬誠愷悌。則中和位育。  
將在是矣。後儒一切穿鑿之論。何足數哉。丙  
申仲春月。御筆。鈐寶三。惟精惟一。乾隆宸翰。游  
六藝圃。



引首

御筆 辨名斥謬 鈐寶一 乾隆御筆

鑑藏寶璽 石渠寶笈所藏

御筆菟苗獼狩說 一卷

本幅仿澄心堂紙本。有乾隆年仿澄心堂紙八分書珠印。縱一尺七分橫二尺七寸七分行書。

菟苗獼狩說。傳稱春菟夏苗秋獼冬狩。各具時義。言固引而未發。至所稱皆於農隙以講事。吾不能無疑焉。夫秋冬或有農隙。至於春夏則自播種以至刈穫。其間耘耨灌溉較晴量雨。災肯貶足。苦哉耕夫。蓋無一時之安心息力。而謂

之有農隙可乎。嘗思蒐苗。从草。獮狩。从犬。古人制字。盖有深意。杜注。苗為苗。除害是矣。而所云蒐。索擇取不孕者。猶未免以辭害義。夫禽獸固族聚而類處。使擇牡而驚其牝。則孕者不能無傷。豈育物之仁哉。則所謂蒐索者。亦以蒐索其害苗為當。至於獮狩。皆从犬。則誠守而取之。順殺氣而獮之。是則春夏之取獸。繫乎田。秋冬之取獸。繫乎獸。其義明矣。雖然。更有說焉。古時地

廣人稀故田或遊獸而有菟苗之事以除其害  
今自腹裏以及邊壤地無不耕安得有禽獸害  
苗之事乎若夫園場之地原自不耕則所為菟  
索其不孕而肥者與夫初生如苗者以嘗新繹  
其義亦未嘗不通而實非古人所解者矣 丙  
申仲秋下澣四宜居御筆鈐寶二乾隆

引首

御筆

訓從字意

鈐寶一乾隆御筆



鑑藏寶璽石渠寶笈所藏

御筆再仿蘇軾偃松圖 一卷

本幅宣德<sup>庚辰</sup>本。縱九寸八分。橫二尺九寸七。  
分水墨畫竹石間偃松一株並題。

偃松倣以閱廿載。境詣欲驗。仍歟改曰幹曰枝。  
雖不殊其情。其神略殊在。殊不殊乎。松想知揭。  
斯妙有侍臣詩。東坡豪興示端倪。笑屢倣者誠。  
但吹。再倣東坡偃松圖為此卷。仍疊舊題韻。  
戊戌仲春月。御筆鈐寶五。乾隆步筆偶值幾開。

天地為師松竹一庭道心

引首

御筆 興寄雪堂 鈐寶一 乾隆宸翰

鑑藏寶璽五福五代堂古稀天子寶八徵耄念之  
寶用筆在心寓意于物出有同春人情為田石  
渠寶笈所藏

御筆讀史記儒林傳 一卷

本幅仿澄心堂紙本

有乾隆年仿澄心堂紙八分書硃印縱一

尺六分橫二尺七寸五分行書

讀史記儒林傳 司馬遷曰周室衰而闕雎作

王應麟撰玉海因引揚子周康王時頌聲作乎

下闕雎作乎上習治也習治則傷始亂謂齊魯

韓三家以為康王政衰之詩又引楊賜傳云康

王一朝晏起闕雎見幾而作夫康王晏起不見

於經書是誤用宣王之事實之也。齊魯韓三家之詩雖先出於史記。然總出於夫子之後。信三家不如信夫子。子曰。關雎樂而不淫。哀而不傷。是誠王化之始。豈有衰世之譏哉。司馬遷所云。蓋指孔子傷周室衰微。王道不行。故即繼之曰。論次詩書。修起禮樂云云。關雎作者。周南之首章。即刪詩之義耳。且如稱堯典。可以貫全書。則稱關雎。亦可以該全詩。而于康王始衰乎。何有。

況舉守成之善者必曰周有成康亦不見其有  
荒政也。朱子為詩傳直以為文王后妃時所作  
蓋本毛萇之義可謂具有卓識而未言三家之  
失於傳訛茲故申而論之。戊戌仲夏上澣御  
筆鈐寶二得象外意乾隆宸翰

引首

御筆 化源溯始 鈐寶一 乾隆宸翰

鑑藏寶璽 石渠寶笈所藏

御筆甲午己亥永安莽喀作二首 一卷

〔本幅〕蠟箋本縱一尺七分橫二尺七寸五分  
行書

甲午己亥永安莽喀作

國語沙謂之永安岡謂之莽喀是地為八崖口

第一  
圍場

第一圍場猶近邊麇麇革鹿已樊然諸

藩扈是兒孫輩列爵稱非左右賢馳愛平岡策

紫駿中聯四鹿控朱弦部旗常例笑何謂六十

纔過曰老年

兵部八旗遇考驗武職年六十以上者即免試馬時余春秋六十有

四。馳射如常。甚矣部  
旗成例之可笑也。

沙岡近崖口第一獵場

呈。是地為入崖初地受

恩處

壬寅秋。隨皇祖行國。至永安莽咭。有一  
熊。皇祖謂其已斃。命御前侍衛引予往射。意

欲使予初圍得獲熊之名也。予甫欲上馬。而熊

突起奔前。皇祖御虎鎗殲之。事畢入武帳。

以射熊事告之。曰使伊至熊所。而熊起馬驚。成

何事體。此實孫臣受恩之始。詳見山莊紀

堂記。恩終身法

祖情。光陰驚水逝。爽朗喜秋晴。惜矣無前輩。憶壬寅年隨



皇祖於此行國者今惟予一人得預其時即  
茲蒙古王公之扈國者竟無與予同輩之人焉  
之帳惜甲午秋於此作詩有諸藩扈足勉之示  
兒孫輩之句即道其實且以恩顧之也  
後生皇子皇孫及曾手柔挽弓燥路熟駕車輕  
一箭中去聲碩鹿獻

誰徒意忤今日國中壹發殪一大壯鹿衆奇欣喜稱頌然不復能似往年之遣使馳獻予

意實因之增滄耳甲午秋於永安莽喀行圍一日射

殪四鹿曾賦一律紀事並命立石其地今歲於  
此甫合圍壹發得大壯鹿扈獵諸藩同聲忭頌

余自臂痛以來久疎射事且不行圍閱今兩年  
初不意尚能如此輒成大韻以紀因前碣兼四  
體字各鐫一面此什無從續刻乃以龍箋書卷  
弄之並書甲午作於前以誌數典乙未丙申雖  
各有作弗重儔而錄也已亥仲秋下澣御筆並  
識鈐寶三几席有餘香乾隆

引首

御筆 新畋誌實 鈐寶一乾隆宸翰

鑑藏寶璽五福五代堂古稀天子寶八徵耄念之  
寶正有同春用筆在心人情為田即事多所欣  
石渠寶笈所藏

御筆讀論語 一卷

本幅粉箋本縱一尺五分橫二尺七寸七分  
行書

讀論語 泰伯章有曰民可使由之既而繼之  
云乃不可使知當然所以然朱子分注斯復引  
程子說明不能使其化人有不能聖教為有虧  
用術非正道詎應出宣尼是義謂未當而久心  
蓄疑程朱求弗得蓋強為之辭近從川路行略

得真解茲兩岸迎鑒民數乃無萬伊歡迎近瞻  
就摩肩疊跡隨但御舟一過奔避如敗師渙然  
鳥獸散躡藉相凌欺前見後來者厥角先紛披  
殊不曉其故細詢乃悉兮蓋緣地方吏先以曉  
諭馳謂御舟之後具舟即宮闈爾民宜速避定  
當謹威儀此使知所致不如由彼為曉百乃漏  
萬那盡諭蚩蚩民順帝則兩忘知識奇曰當  
曰所以帝豈有分施宗元郭橐傳此義或略窺

庚子仲春下泮御筆鈐寶二古稀天子之寶  
猶日孜孜

引首

御筆 義叅順則 鈐寶 一乾隆御筆  
鑑藏寶璽石渠寶笈所藏

御筆陝甘總督勒爾謹等奏報勦捕撒拉番回誌

事十韻 一奉

本幅粉牋本縱一尺一寸橫二尺七寸五分  
行書

陝甘總督勒爾謹等奏報勦捕撒拉番回誌事  
十韻 有序 撒拉爾番回即狗西番其俗人畜

並處好即人怒即獸往年因大加懲創安靜五  
十餘年今其醜類復滋昨督臣勒爾謹奏撒拉

爾番回蘇阿洪等因爭立新教殺傷舊教數人  
遣官往捕而賊匪等竟敢抗拒並戕知府副將  
勒爾謹因率臬司福崧領兵往剿更調集甘省  
提鎮仁和等五路兵而賊已乘間侵佔河州維  
時事起倉卒勒爾謹暫駐狄道藩司王廷贊保  
守蘭州省城賊乃間道進逼省城焚燒關廟西  
安巡撫畢沅以聞將軍伍彌泰提督馬彪各領  
兵赴援奏到即勅簡八旗勁旅并命大學士阿



桂尚書和珅等往莅其事乃兵甫啟行而王廷  
贊即奏誅殺賊匪教主馬明清茲勒爾謹畢沅  
仁和等奏克復河州省城圍解且擒殺賊匪要  
犯多人擊退上山即可期勦滅云云因勅分  
別獎賞頒諭中外並賦十韻紀事如左 狗西  
黑帳本番離白帽非回竄藉呼爭教始因執新  
舊據州遂肆攫荏苒如狂一旦為獨獾不畏三  
章置鎖鉄提鎮領兵皆宿將監司守省具嘉謨

會征有算妖氛歛決戰無前賊勢孤近日伏林  
遠滿四何辭淨勦受駢誅分馳禁旅原資衆詳  
覽軍書敢懈吾本省制軍紓將略鄰封安撫裕  
良圖羣心齊自成功速小醜殲將之虞逋方顛  
佑隨聞捷信曰欣曰敬曰慙夫 辛丑清和月上澣  
御筆鈐寶三三希堂古稀天子之寶猶日孜孜

引首

御筆 壽綏額佑 鑑寶一乾隆宸翰

鑑藏寶璽石渠寶笈所藏

御筆改譯遼金元三史序 一卷

本幅蠟箋本縱一尺五分橫二尺七寸八分  
行書

改譯遼金元三史序 改譯遼金元三史成司  
事者以序請史無序例也齊梁陳書及後五代  
乃有序蓋出於宋臣修史者擬為之飾例也亦  
足以觀其政之不綱而事之紛紊也若今三史  
之請序將比於孰乎曰彼之序皆序其事而此

之序乃序其言則不可以齊梁等比之矣序其  
言亦非為之修辭飾說乃改譯漢文譯其國語  
之訛誤者至於其國制度之理亂君臣之得失  
未嘗一字易蓋史者信也所以傳萬世垂法戒  
彼其時之史或已不能保其必信數百年之後  
無庸為之修飾且改譯者不過正其訛誤之語  
而其舊史之布天下者自在也讀史者執舊簡  
而證以新書則可知語之異而事之同則此序



之不可不作。乃所以明吾志也。夫春秋一字之褒貶。示聖人大公至正之心。若遼金元三國之譯漢文。則出於秦越人視肥瘠者之手。性情各別。語言不通。而又有謬寓嗤斥之意存焉。此豈春秋一字褒貶之為哉。向於改譯三史之旨。及同文韻統。河志諸序。已屢言之。茲不復綴。夫遼金雖稱帝。究屬偏安。元雖一統。而主中華者。纔八十年。其時漢人之為臣僕者。心意終未決。

洽我國家承天庥命建極垂統至於今百四十  
年矣。漢人之為臣僕者自其高曾逮將五世性  
情無所不通語言無所不曉。且今之纂修諸臣  
即有善通清書兼習諸國字之人。則茲三史必  
當及此時而改譯其訛誤者是則吾於遼金元  
三代實厚有造而慰焉。雖然是造非吾造乃

天造我國家重熙累洽而後得此則所以祈

天永命日慎一日之忱惟益兢兢懼乃勝於慰焉云

耳 辛丑長至月上澣御筆鈐寶三古稀天子  
之寶猶日孜孜三希堂

引首

御筆 同文訂古 鈐寶一古稀天子之寶

鑑藏寶璽心清聞妙香落紙雲烟鑑古天地為師  
筆花春雨石渠寶笈所藏



御筆君子小人論 一卷

本幅宋牋本縱九寸七分橫二尺六寸五分  
行書

君子小人論 君子小人之名見於易而論於  
書其界不可不明而其跡則不可不慎也夫易  
不過曰君子之道又曰君子修之吉  
小人悖之凶未嘗曰孰為君子孰為小人也書  
曰知人則哲欲知君子也又曰何畏乎巧言令



色孔壬欲知小人也然亦未嘗曰孰為君子孰  
為小人也言治道者莫若典謨其於辨君子小  
人不過如此而已非疎也思之深而慮之遠也  
是故堯授舜舜授禹以至羲和叔仲稷契皋夔  
各命以職未嘗謂之為君子而若而人者亦未  
嘗曰我為君子也堯之弗用丹朱共工舜之去  
四凶未嘗謂之為小人若而人者固不肯自謂  
小人而羲和叔仲稷契皋夔亦未嘗謂若而人

者皆小人也是以庶績咸熙地平天成此予所  
謂明其界而慎其跡也若後世為君者固不能  
辨其孰為君子孰為小人而為臣者乃於其間  
自分之曰孰為君子孰為小人或又曰我為君  
子彼為小人於是彼我之見橫於中公私之舉  
紛乎外為小人者固不甘其為小人而為君子  
者亦未必其實君子門戶朋黨糾若棼絲小人  
之害君子固不必言而君子且有操室中之戈

者。漢唐宋明之禍。延及國家。淪胥以亡。此皆為上者之過。而非為下者之過也。吁。可畏哉。是蓋其畧太明。而大不慎其跡之所致耳。且也。世亦以有位者為君子。無位者為小人。佔畢樂羣者為君子。負販荷擔者為小人。是果真君子而真小人哉。亦曰其名而已矣。自為上者不能明其畧。而為下者益顯其跡。以致釀大禍而莫救為之。奈何。曰。簡賢而用之。擇不善者而去之。上既

不以君子小人顯其跡下亦不得以君子小人  
樹其朋其庶幾乎抑誠難矣此予所謂其界不  
可不明而其跡不可不慎不可不慎者不顯其  
跡之謂也 癸卯新正月中澣御筆鈐寶三取  
益在廣求古稀天子之寶猶日孜孜

引首

御筆

治源明慎

鈐寶一乾隆御筆

鑑藏寶璽古希天子石渠寶笈所藏



御筆重華宮記 一卷

本幅宋牋本縱九寸橫五尺五寸五分行書

重華宮記

見重華宮所藏御筆重華宮記冊

癸卯新正之

下澣御筆鈐寶三學鏡千古古稀天子之寶猶

日孜孜

引首

御筆

執中數典

鈐寶一乾隆宸翰

鑑藏寶璽石渠寶笈所藏

御臨三希文翰 一卷

本幅宋義本縱八寸六分橫三尺一寸行書  
三希文翰

臨王羲之快雪帖王獻之中秋帖王珣伯遠帖見

乾清宮所藏  
御臨王氏三帖卷

內府三王真跡清暇臨摹屢矣清和雨後御園  
景氣怡暢宋箋古潤愜意孫過庭以筆墨相發  
為一合良然池上居御筆鈐寶十乾隆宸翰含

毫邈然。鑑古會心不遠。圭璋文府。摘藻為春。游  
六藝圃。落紙雲烟。乾隆御書。

引首

御筆 動與古會 鈐寶 一乾隆宸翰

鑑藏寶璽 五福五代堂古稀天子寶 八徵耄念之  
寶 幾暇鑑賞之寶 臣有同春用筆在心即事多  
所欣 石渠寶笈所藏



御筆西湖圖 一卷

本幅宋箋本縱九寸橫二尺九寸水墨畫西湖全景款

孤山晴眺即景凡屢作頗厭其多然更思之文  
徵明雖耄耄每日必書千文一卷亦厭其多乎  
茲駐香山靜宜園偶憶明聖之趣復成此卷即  
弄香山亦云興之所至耳學古堂御筆鈐寶三  
墨雲古希天子猶日孜孜

引首

御筆 寫心印勝 鈐寶一古稀天子之寶

鑑藏寶璽古希天子五福五代堂古稀天子之寶  
八徵耄念之寶天恩八旬人情為田即事多所  
欣乾隆御筆幾暇怡情正有同春半榻琴書靜  
宜園石渠寶笈所藏

靜宜園

本朝臣工書畫

錢陳羣書

御製九老會詩 一冊

〔本幅〕宣紙本三十二幅縱五寸橫六寸行書

御製九老會詩 並序

九老會昉於唐而繼於宋然宋自別為耆英而唐亦始以七後乃成九且彼或朝野雜廁文武

錯忝甚至縉流並預益無取焉我國朝

累洽重熙漸摩培養史稱世如春而人多壽信非虛  
語恭值

聖母七旬慶辰命舉九老之會用晉

萬壽之觴蓋諸王與在朝文臣為一班武臣為一班  
致仕者別為一班各得九人統名一會合二十  
七人之歲得若干所謂三壽作朋如岡如陵詩  
不云乎孝思不匱萬壽無疆萬壽維祺志所宜

然事或難必合廿人人若干歲為

聖母壽

天其中命錫予乎朕成首倡之章諸臣自紀其事有  
不能詩者命內廷翰林代成並勅畫院繪圖於  
以熙鴻介祉永茲盛典將屆

聖母八旬九旬期頤以至若干壽則我朝之登眉黎  
耄鮐者必亦蒙

麻近光與年並增朕當十年一舉盛會其歡喜慶幸

曷其有極哉  
昇平人瑞有天潢會領文臣例

栢梁履親王顯親王並以年逾古稀為會領袖  
視漢栢梁朕句者慶者宗臣惟梁孝王一

人貴已  
過之  
總沐

列朝厚培養共耆難老効勳元豐二相今猶在學

士未保史貽直昔康熙間舊臣年逾八秩履道  
較宋富弼文彦博之列耆英會榮有過焉

諸賢詎可方

慈慶熙鴻欣錫類羣仙引進

萬年觴  
右在朝王大臣九人  
共六百七十七歲  
予有折

衝曰禦侮泰平克壯壽駢臻擬鞍矍鑠寧當代

獻爵徒容合此辰行已耆英纔一老

宋耆英會中曾任武

臣耆惟馮衍已一人今九人皆現任且職備中外足副盛典

溫城恩遇有多

人延禧佳會伊今始詎為高談世似春 右在

朝武臣九人

共七百二十歲

會昌九老皆林下詩

酒無過自倡酬詣闕不聞緣祝

謾懸車久已恣優游烟霞供養得其趣藥石和調那

浪求廿七尺餘二千歲啟祥

七表慶添籌

右致仕諸臣九人

共七百四歲

附九老會

紀

恩詩

恩眷

九老三班總廿七猥蒙  
領羣仙例梁王則臣慚矣較白傅斯彼遜旃

東朝

慶踴躍于恒倍萬千  
當代史闕古誰匹  
富耆年列藩忝與  
履親王臣允綯

龍光

幸天上鉤鈐燦應祥曼壽共看人極樂國貽尤

詔分行班階儼接文僚右杖屨紛遊  
仙藥索從此十年漆一會叨榮兼拜



福殿張

顯親王臣行漢

慶恩導第一班中許侯却慚黃閣領朝官宣揚

聖治熙豐阿比數臣材鄭西難青瑣多年叨宿衛

圖成畫史省傳看大學士臣來保

恩許攜筇拜舞同周甲科名達

慈宮富盛世長庚歲紀奉香洛論圖會更隆特林山下洛

事如春景象或與榮實過之自是昇平多瑞

睿篇中大學士臣史貽直

宿衛叨榮五十年乍從蓬閣廁羣仙西湖早

北闕重慶洛社篇世際邛隆開壽國人多耆碩

恩暉照敬頌  
啟華筵。冰壺長仰

升恒偏

會昌盛事。吏部尚書臣傅森。又喜鬚眉畫裏傳。忝附六

輦

宸章競捧。簪紳集壽杖。齊頌耄耄聯。忝頌聲中瞻。過一齊翹首五雲邊。工部尚書臣歸宣光

慈暉

占星早仰。聯膺曜典。選還欣侍。哀衣侶結。松筠千葉秀。祥呈鸞鶴五雲飛。履長怡

升恒慶

金祀瑤光映紫微。左都御史臣勒爾森。

許次肩。寅清重到愧華顛。嘉話耆英。今特懸備。大漢擴圖呈蓋地。往伊罕則量。

鈞天。樂侍。上命鑄傳鐘時聲。班排叩竹文偕武壽。以備大成。臣等不佞。樂部。

金萱萬

益

有千。今日香山是仙境。會昌何必艷唐年。

紫庭

禮部侍郎臣何國宗  
鈞鈐遙映老人星喜盡華簪拱

詔擬香山據

鳳藻

恩頒玉杖刻鳩形

慈

雲普蔭三千界  
愛日長輝憶萬齡  
域樸作人徵

壽

考教榮竊比泰階  
榮竊比泰階  
直隸學政刑部侍郎臣張

恩施暮齒還容待

玉螭即鹿長楊先虎旅呼鷹  
南苑傍

龍旗敢期名列耆英會正喜身當矍鑠時竊比歲

聖世又因桃熟到瑤池鳳凰城是古幽岐內大臣臣博爾本察

文母徽音仰化馳分虎不殊居衛宿扶鳩有幸到

蓬池丹靑忝繼圖麟後雨露欣逢宴鎬時歸與

九如詩留都諸父老十年一獻鉤陳蘭鐫近臣清葆

詔入耆英寵渥稠馬齒幸加慚附驥虎臣忝與共

旌誨扶鳩隨吉身常預拜祿論年甲漸周惟觀兩階興大

宣殿拊鳴球樂祝釐護軍統領臣保平

香山園繪景前賢嘉會何期驚序聯豈有馳

驅供遠道狼因嬰鏢則考年身依

慈齡

禁樂光常近人到蓬壺跡有仙願奉

散秩大臣臣鳴兩

璇算

新添閣苑籌

恩教耆舊會瀛洲光疆久沐

清藥還叨泰養優虎拜榮多欣接驥  
龍光寵被許扶鳩呼嵩泰與香山列萬載

春暉  
聖麻

祝散秩大臣臣巴海

錫耆英遠

臣年八十

又逢

仁壽

啟長春

臣年八十

宮街榮荷  
龍章遲耄歲

恩教馬齒鑣鎖鑰久慚臣似虎丹青新擬閣國麟

聯

人武夫敢附香山老願作年年祝  
太子少保直隸提督臣吳進義

三

朝新沐羽林秦養歷  
恩綸下碧霄扶杖忻依

殊金闕近執笑憶指玉門遙名慚麟閣膺

慈

麻思祝嘏願同擊壤獻衢謠  
龍埤附庶僚感荷  
副都統銜臣黑色

楓宸盛典欣逢  
露沾柳色侍

景福中年伯九旬春浩蕩  
貴加三錫錦編璫鷹揚敢訓麟圖炳虎旅還慚豹

慈仁

略振月寔卷賓案字泰年年祝嘏奉  
恩加副都統臣集成

恩膏

南苑沐  
知八旬耄耄者英忝二品新銜聞我叨調馬尚

崑臺壽

呼祝香品效忭  
右在朝武臣九人恩加副都統銜臣班第

慈寧典

枕流漱石久歸田來祝  
禮虔文職武功三九老分班計歲二千年海

天上恩光錫予駢率土齊聲稱  
聖孝熙朝盛會正連綿恩加禮部尚書銜臣沈

德潛

侍從當年隊褚虞重來鉅砌效鳧趨欣逢

慈福臻仁壽况拜

恩光入畫圖。元老班聯仙會雅。三台履接  
寵綸殊。陳。今。是。尚。書。分。明。身。列。華。胥。宇。鶴。髮。

鳩筇健不扶。恩加尚書。解組仍依日月光。

慈壽數天徠耆耄

聖恩優老錫班行。林泉簪笏榮圖畫。閤苑神仙瑯

瑤宮億

紀慶綿長。塔。左。都。御。史。臣。木。和。林。

天家絨佩叨榮景。物嘉三壽作朋咸。尚齒四方米

賀建懸車。月明瑞島傳仙樂。烟暖芝田蔚紫

霞優渥

隆恩何以報長。胥天保親。光華致仕左都御史臣吳拜。

擬萬斯

年。中。天。佛。口。合。掌。為。花。三。九。老。添。壽。祝。



雲霞 策海仙山瑞霏連林竹無松無量壽岩梅映

聖主 推恩有餘妍紅衣陳

大慶篇 致仕吏部侍郎 臣德齡

萬年春 宮慶 七旬九如齊祝

恩教 寫髮圖形會

天與 松岩樂志 身 一 自題名欣癸巳

紀庚 辛 辰 壽 恩 仁 聖 長 茲 介 嘉禾

榮過 撫雙杖 易還應羨 似臣 致仕工部侍郎

樂志 田間歌

帝德未稱  
恩慶列華簪  
丹青榮比凌烟畫  
葵藿誠傾捧  
日心拜

賜尚方靈壽杖  
詔遊閑苑碧山岑  
從今願效銜籌寫  
每遇辛年到  
禁林  
致仕內閣學士  
日那一桂

桃實堆盤橘似金  
香山盛會聚於今  
曾吟知

宸帳更到月依

仙壺綴雅吟  
久被和風添鶴髮  
永瞻旭日映葵

瑶階慶

三壽為朋萬瑞騰  
致仕左都御史臣李世倬

嵩

鳳城東  
家居咫尺  
散歷無能愧素衷  
自分呼  
特頒鵠杖九人中  
徐經香市雙眸豁  
老被

聖壽

兩宮同

三品職銜臣多倫

右致仕諸臣九人

光榮竟體壯管領兒孫勤作祝無疆

御製命九老等遊香山再題以句用白居易詩韻  
九老作朋摠廿七。陳顥華髮映髭鬚。廟堂未免  
拘儀度。泉石特教恣譙娛。丹陛暫辭心肯忘。玉  
關歸後氣猶麤。聽松祇合鸞杯舉。步嶽寧須鳩  
杖扶。一例香山南讓北。千秋羣彥畫成圖。如今  
擬問白居易。似爾當年少欠無。附陳羣恭和

御製元韻詩

詔以稱難老豈肯隨時學染鬚。

溫室暢嘉娛。飲分玉乳人多壽。與壓吟壇句轉

麝。坐久香巖看鹿過。步迴曲磴藉兒扶。新

好時欽。不因出處殊。心跡自有烟霞伴。畫圖

如此昇平如此景。會昌諸老得知無。臣錢陳

羣敬書並跋於左。

乾隆二十五年秋恭遇

皇上五十萬壽。臣未得躬請

闕下敬效萬壽。乃集唐香山九老會宋耆英會

諸臣詩。彙其年壽於恭進

敬詞外敬錄一冊呈於

獻座以效法古人臣祈君永命之義。茲二十六年

聖

母皇太后七襄大慶。普天率土。皤耆耄耄。莫不稽首稱賀。

皇上至孝性成。禮隆典重。於恩覃澤溥之餘。叙年齒七十以上者。自親王以下。

秩三品以上。二十七人為九老三班。於十一月望。

大

安輿由萬壽山進宮時。准九老諸臣以序跪迎。仰

慈

顏賞優。見香渥復。

賜遊香山。以應盛典。諸臣年齒爵秩。遠邁唐宋諸

老臣幸際

熙時。得與嘉會。真千載一時也。伏讀天藻歌詠人瑞。以識祝

釐

視。唐宗諸臣之舉於其鄉。或七或九或十三。皆臣

工寄閑泉石所為。其遜於

高聖

深是

日。奚啻萬萬。臣維說文。壽者酬也。凡受恩者必酬。合諸臣二千餘歲之數。敬獻壽。用荅涓埃。所謂撮塵蠡水。裨補則諸臣負曝將芹意也。臣錢陳羣叩陳敬跋。鈐印三。臣羣敬韻叶鈞天。

鑑藏寶璽

今七  
蘭玉

靜宜園。

鄒一桂畫花卉 一冊

本幅宣紙本十二幅縱五寸五分橫七寸五分  
分設色畫一。綠萼梅款臣鄒一桂恭畫二。人  
面桃款臣一桂三。白梨款臣鄒一桂四。紫藤  
款臣一桂五。黃薔薇款臣一桂六。玫瑰茉莉  
款臣一桂七。百合款臣一桂恭畫八。石竹款  
臣一桂九。秋海棠款臣一桂十。木芙蓉款臣  
鄒一桂十一。菊款臣一桂十二。水仙天竺子。

款。臣鄒一桂恭畫。分鈐印。臣一桂恭寫。臣桂之印。臣一桂畫。一桂詩畫。

御筆分題行書

玉魄倒枝入影斜。不池清淺池無涯。列仙傳裏如尋號。了識名為綠萼華。映日含情疑有謂。臨風猗萎若無憑。小山略解逃禪者。何必崔家故事徵。素質英姿稱倒株。由來月裏不模糊。笑他初做媽紅者。本色失之惜否乎。裊裊垂



垂紫玉光。或者冒架。或作牆設。如步障。相此擬。  
石氏風流。定讓王。薔薇一種色。滋紛自是中。  
黃迴出羣。易盛譜稱。却難久。言該道廣。合尊聞。  
石類何時入花譜。色如火齊。弗相殊。雖然堅。  
脆終難混。太史青雲鮮定符。原出波斯植南。  
海而今無處不有之。閒庭小立。乘涼際。最合風。  
清月上時。花為重邁根為蒜。贏得玉簪香放。  
輕絜矩。莫予違之語。一言百合。訝堪驚。翠葉。

學他个个森。蕤英石畔與牆陰。草花中縱稱佳  
品。難入渭川君子林。草木何須其本求。砌頭  
牆角足風流。淵材默對無香際。直自三春恨到  
秋。專榮深淺傍秋池。物有乘除理可思。應是  
妬他水君子。近仁之一木居之。競開五色競  
歲蕤。未必淵明此識之。近日西洋名特盛。直教  
數典減東籬。故事恒多洛浦徵。姁姁寧稱玉  
壺冰。邊旁巧置天竺子。雅似琴高赤鯉乘。弗

秋實亦弗春華可號子還可號花內翰却為馬  
遷法劉邢合傳別裁誇已酉新正御題分鈐  
寶乾隆御賞追琢其章典學勤政齊物大塊假  
我以文章中心止水靜激觀幾暇怡情得佳趣  
會心不遠德充符中和雨水月在手絜矩叢雲  
取益在廣求朗潤古希天子猶日孜孜

鑑藏寶璽

七璽

五福五代堂古稀天子寶八徵耄

念之寶靜宜園

張宗蒼畫雪景 一卷

本幅宣紙本縱八寸八分橫四尺七寸七分  
淺設色畫雪山泉樹塔寺村居款 臣張宗蒼  
恭寫鈐印二張宗蒼

御題行書

珠貝林阿蒼葡萄園琉璃殿閣玉為垣飛流不共  
寒山凍為識雲中別有源 御題鈐寶二乾隆

鑑藏寶璽 七璽 古希天子靜宜園

余省魚藻圖 一卷

本幅宣德箋本縱九寸橫四尺八寸二分  
色畫藻行中遊魚九種雜以蝦蚌蟾蜍款  
余省恭畫鈐印二余省

御題行書

青藻琳池縹連行戲衆魚至清安用彼知樂亦  
欣余 癸酉御題鈐寶二齊物清吟寄遐思

鑑藏寶璽

七璽

古希天子靜宜園

徐揚摹黃公望山水 一卷

本幅宣紙本。縱八寸八分。橫四尺九寸五分。  
淺設色。畫斷岩激澗。寺塔山城。款黃公望筆  
意。臣徐揚恭摹。鈐印二。臣揚。

御題行書

粗皴及淡染。千古傳黃癡。得神詎在似。刻楮亦  
易為。愛此溟濛意。富春春靄時。癸酉春。御題。  
鈐寶一。雲霞思。

鑑藏寶璽

七璽

古希天子。靜宜園。

繪事羅珍十八冊

本幅十八冊第一絹本十二對幅每幅縱一尺二分橫八寸八分慎郡王允禧畫山水設色畫者七水墨畫者五末幅款甲寅臘月廿四日謙齋識鈴印一掃石堂首鈴印一墨癖每幅分鈴印二孔吉氏圖書對幅顧成天題

樹抄羅奉青窓中列巖秀空山日月長可以  
候清晝流峙呈化機飛躍供異狀有室接  
懸崖小坐彌深癢山深不見人人在雲深  
處客約梢橫溪溪流自來去凡木俱難辨



蒼松獨有身。歲寒無改色。何必商頭春。曲  
磴厚層巒。平橋跨絕澗。中有幽人居。高山  
流杳杳。穿雲坐樹間。白石亦堪枕。閑道者  
與指點。雙松同棲閣。似仙山。高低入雲漢。  
有誰渡溪來。紅塵中自新。磊石堆灘淺。飛  
泉赴澗深。橋通高士蹟。流陽大凡音。春來  
紅樹枝。秋色彫難辨。爽氣橫青空。舉頭見飛  
雁。丹青秋意饒。蒼翠滿山腰。何必尋深宮。  
香來近市朝。舉頭玉宇空。度石間疎樹。風  
竹如有聲。蕭蕭洒雲林。趣羣峯何寂歷。所以  
發陽春。蕭蕭窓外韻。自足伴幽人。朱家大  
小山。空濛帶烟雨。欲訪山中人。林泉渺何許。  
揮灑隨清興。胸中五嶽居。蒼苔行客望。馬  
首數馬如。紫抹遠浮嵐。痕消淡生雲。約略  
有人家。半在白雲外。我家南山南。君家北  
山北。中有一溪分。上下三悟對。底華何處

佳。秋在西山麓。指點太平村。家家市井讀。  
無氣橫空來。戶戶盡修潔。不必露因念。並寧  
氣象。身飛流水。精廉在巖青。步蓮咫尺到  
仙臺。正身義皇上。約客見室宇。舍卒難齊  
禁。徘徊山下路。翹首白雲間。源頭山外山。  
素練從天落。萬斛駸龍珠。隨風灑漢間。此  
間味妙境。近遠隨所宜。其作終南路。高文任  
友移。十山各分形。朝來忽一色。橋首作題  
與。置身在空碧。高士山中卧。蒼生天下寒。  
豐年占上瑞。無遠幾回看。每幅款。臣顧成  
天歌題。鈴印二。風  
夜惟寅。臣顧成天

第二絹本十二對幅每

幅縱一尺三分橫八寸一分。憚壽平設色畫

花卉。一紫芝水仙。款綠雲飄緲望神山。素女

騎鸞未擬還。遙知玉節金幢會。只在蓬萊淺。  
水間壽平。二山椿。厥壽平。三黃薔薇。款南田。  
壽平。四碧桃花。實款。一片紅霞。遠世塵。仙山。  
能作四時春。珠衣斜倚東風立。知是千花洞。  
口人。壽平。五梨花。海棠。款宋人有此圖。無粉。  
墨痕。寢難模倣。壽平記。六海棠白頭翁。款擬。  
錢舜舉法。壽平。七虞美人。款稍變。刻畫之迹。  
畧脩黃筌鮮麗。一種八梭欄雞款。臨白石翁。

壽平九芙蓉翠鳥款園客臨王若水舊本十  
金錢花款壽平擬徐崇嗣法十一菊花款落  
英還擬待騷人耐得霜風色更真豈肯傍他  
桃李徑直將花艷傲松筠壽平十二雀竹款  
趙松雪竹枝雙雀小帖壽平戲撫分鈐印惲  
正叔壽平南田小隱對幅

御製詩

鼓蘭花下無男子獨開生而霜綃裏含嬌不語

故幽香曉露泠泠濕珠履。芝蓋繽紛蔽嬌修處。  
妃波上步。幾猶誰令。陳王貴八斗。只今傳誦空。  
遺羞笑態。南園又多事。粧成嬌靨金鈿墜。丹臺  
春老人不知。蟠桃結實雙鸞睡。臘盡葭灰裏。  
春回鴈鼓。中山茶初放。雪水夢欲凌風氣。冷芬  
偏遠。霜餘色轉。駐何須。誓少態。曾見畫難工。靜  
婉粧纔罷。朔風舞未終。艷知桃李讓。操與竹松  
同。京華鴨頭紅。花翻鶴頂紅。誰知趙叟後。今復

見邱翁。東風蕩漾午窗前。都作蔷薇買笑錢。  
繡被堆中閒玉鑰。朱欄架底墜金鈿。雙成有意  
霞親剪。荀令無聊香自煎。漫道江南誇落墨。錦  
袍應屬憚南田。姑射仙人謁九華。雙鸞鳳駕  
五雲車。誰知只尺瑤臺路。只隔太虛一片霞。  
春雨初過。淨午芳元都觀裏。憶劉郎。却令寫向  
生綃上。不許遊蜂暗竊香。東風一度一嫣然。  
薄縠輕綃欲暹妍。千樹芳菲三月半。滿簾寂寞

暮春天。漁夫溪頭莫問津。武陵源裏更無人。  
桃花還是如霞爛。占却仙家萬劫春。梨白海  
棠紅。相將尺幅中。一般開麗日。各自笑春風。駐  
質丹砂似含姿。素粉同。如何無蜀詠。獨議少陵  
翁。春色枝頭多少名禽仔細來窺。乍拂柔條  
袅娜。常籠翠羽。參差任爾飛來飛去。憐他含笑  
含姿。莫燒銀燭驚看。恐是芳葩睡時。陌上花  
黑無語。試作楚歌聲。婆娑折腰舞。望斷烏騅去。

不畱一江春水東南流。千年碧血不能化芳心。  
裊裊如絲抽。妾欲為仙仙不得。妾欲為石不易。  
磨石易磨。年年天孫擲龍梭。不如向彼機上過。  
且使人人憶是些。青青彼棕櫚。散葉如車轂。  
嗒嗒彼翰音。昂歲立平陸。羽生而植生。由來不  
同族。胡為適然會。相將圖尺幅。伊余有會心。蒙  
莊曾披讀。取以相比方。椶雞庶心服。爾梭唯有  
用。剗剗見其福。爾雞因可食。幾作湯中肉。至人



青葆光。美玉當韞匱。畫師豈無意。憐爾成身速。  
烹者不才雁。生者不才木。才與不才間。此義應  
三復。清風瑟瑟吹斜陽。水禽獨浴來江鄉。翻  
飛栖彼紅拒霜。晴波澄澈連天長。婀娜霞冠綠  
翠裳。枝搖馥郁散迴塘。上映晶日。下填英煌。下臨  
碧水。塗輕妝。夷則應律。零露瀼瀼。深紅淺白。餘晚  
芳。時彼遠浦。蒹葭蒼宛。在伊人水一方。古來繪  
事稱趙昌。坡仙曾記王家藏。南田無乃登其堂。

滿幅秋容含清光。

買將秋色在誰家。淺絳濃

香泛露華。休論五銖應減價。若輸九府定須賒。  
陰陽炭裡鎔來巧。造化爐中鑄出佳。富貴舊推  
洛下種。今疑分半屬秋花。招搖西轉炎帝南。  
馳閉我北窓。步我東籬東籬若何。金英幾本冷  
露以淒。放於秋晚。葉綠而蒼。枝秀而長。曰紅曰  
紫。曰白。曰黃。瞻彼園亭桃李。葉落。眄彼池塘荷  
衣紛若。既紛既落。撫景思深。乃有秋華。實獲我

心雖獲我心。終萎寒圃。寫之圖中。長可與處。  
風來青龍吟。春抽紫筍秀。小園非渭川。頗有千  
竿竹。凍羽驚寒颺。翩翩兩翅垂。為憐萬木落。簷  
谷棲春枝。帶月照紗窓。清吟剪夜釭。鳴時聲各  
各。飛去影雙雙。烏鵲向南飛。統樹求所託。何如  
碧琅玕。終古棲雙雀。寄親王長春居士題鈴寶  
二寶親王寶。染翰每幅分鈴寶。樂善堂衆花深  
處。松千尺。半榻琴書。落花滿地皆文章。千潭月

印舊會經訓愛竹學心虛月明滿地相思知水  
月在手追琢其章大塊假我以文章如如末款  
梁詩正敬書鈐印二梁詩正第三宣紙本  
十二對幅每幅縱一尺一寸一分橫八寸一  
分王原祁畫山水水墨畫者七淺設色畫者  
五。仿關仝筆二。仿董北苑三。趙大年江村  
花柳四。仿米家山五。趙松雪松溪仙館六。仿  
黃鶴山想七。仿高房山筆八。仿倪雲林九。仿

黃子久。士梅道人。關山秋霽筆意。十一。寫曹  
雲西筆十二。仿李營邱霽雪筆意。末。秋康熙  
甲申冬日。敬仿宋元諸家十二幀。呈台鑑。王  
原祁分鈐印。麓臺王原祁。王茂京。興與烟  
霞會。石師道人。麓臺書畫。茂京。原祁之印。蒼  
潤。我心寫分。稍倩對幅。梁詩正題。

一。帶岡。空。似。列。外。平。腰。隱。隱。結。林。亭。雲。依。新。  
麓。仙。想。題。過。草。堂。雲。山。深。公。得。出。人。情。安。日。  
高。眠。獨。掩。窗。大山小山重復重。迢迢雲壑。

連枝拳。半空積翠望不極。蔚為無數青芙蓉。  
幽蹊草香過松聲。斷崖石老栖苔蹤。千章淮  
木散清蔭。蔽庭白日森陰濃。瓦屋幾間蔽樹  
底。柴門昏曉氣烟封。雲光遙映窓皓皓。澗響  
靜聽聲淙淙。山中遊宦良遠俗。披圖亦足開  
心胸。江田村舍畫中詩。九十春光未盡時。  
花綉齊行宮繡樣。柳條輕散舞塵絲。野橋綠  
漲初經雨。茅屋陰稠好避曦。更擬圖間添短  
艇。半篙閒泛晚風吹。山氣日夕佳。化雲雲  
作烟。雲深葭山春。彷彿數峯尖。幽徑迷野適。  
香雪蒸重巖。霏霏欲成雨。登道誰禁緣。冥濛  
竹樹色。隱蔽屋數椽。四顧杳無人。澗聲深滿  
溪。園成不盈尺。襄陽法猶存。小築茅茨隔  
軟塵。山深門外新蹄輪。風吹松子散檐響。雨  
長苔紋染徑勻。幽澗瀉泉聞滴瀝。歸雲圓岫  
露嶙峋。中岑樹神仙。占玉坐瑤林。處處新。

四面遙青疊嶂峯。山坡遶地結雲林。從知  
夜半天風度。樹杪依微出梵音。名山合得

住參寥。一徑斜通林麓遙。不識高人迎送否。  
門前髣髴虎溪橋。關山秋至鬱蒼蒼。霽後

遙看盡列妝。改嶂雨消叢翠積。疎林日淡野  
村涼。照溪四互泉聲遠。風磴盤旋放鳥道長。餘

暑不生氣。翳掃峯峯明淨列斜陽。硬筆參  
差掃林岫。畫師無出雲西右。披圖今後見宗

風。刻畫秋容轉清瘦。平岡淡林斧劈皴。泉掛  
天紳石齒漱。一道溪橋橫後斜。幾叢竹樹堅

而秀。野舍寒侵老蔓纏。殘陽影薄疎林逗。景  
物蕭森秋轉佳。遙空爽氣盈襟袖。尺幅秋山

楓木圖。淡染隄隄靡揮寫就。曹家畫格較何如。  
羊蹤未識誰先後。朔火搖空林玉花飛不

朝來冰雪收。浩浩白千里。烏雀噪無聲。同  
雲乍開霽。仙山現樓閣。銀闕參差美。羣峯

翠簾了了層霄時。庄樹交柯。石泉涇寒乳。  
 大地成冰壺。瀛閨聊可擬。重岑蒸紫雲。濛  
 濛散成雨。壓壑杳不分。濕翠粘天宇。迴谿奔  
 香泉。峭戶斷樵斧。人家不可求。迷望祇烟樹。  
 遙想梅霞人。長鏡棄芝圖。山風掃秋烟。林  
 麓添疎爽。空徑寂無人。石上青苔長。此地  
 可忘機。林疎雲亦微。宜埃吹不到。水石淡寒  
 輝。溪雨滋林潤。涼風拂石涼。畫中清曠意。  
 似勝桐川莊。開圖豁凡眸。林壑何幽美。烟  
 雲靜不生。數峯青逶迤。嵐風振脩薄。杉松響  
 溪澗。從鉅香澗泉。潺潺漱石山。小橋亘飛虹。  
 孤霞綠陰屋。茅簷閒深樾。徑草忘芟殖。安得  
 九夏時。運暑叢中履。對  
 新好追惜。畫語已移身。

第四絹本十幅縱

一尺橫八寸。孫祐設色畫雪景故事。一東郭



履雪二。蘇卿啣雪三。袁安卧雪四。赤脚嚼雪五。謝庭咏雪六。王恭涉雪七。謝莊點雪八。孫康映雪九。陶穀烹雪十。程門立雪。蔡孫祐恭畫鈴印二。臣祐恭畫對幅。

御製詩

散履雪中行。皚皚滿地平。無須憐玉趾。真是踏瑤京。光閉花紋綻。蹢躅鶴步輕。等閒藍縷客。東郭獨傳名。寂寞窮荒北。飄飄凍雪凝。饑腸寒。

可供浩氣餒何曾聊共羶毛齒從知苦節勝少  
卿難共喻心事冷如冰雪深門巷迥僵卧有  
餘清不作干人想何煩除道迎漫空飛漸瀝撲  
戶轉輕盈素履幽人吉千秋仰令名肺腑蘊  
純陽何妨冰雪膏嚼芳和王蕊叩齒嗽天香爐  
火原非外丹田箇裡藏天然配龍虎騎向五雲  
翔謝家誇寶樹咏雪一庭同獨許閨中秀深  
如林下風無心裁綺句有意惜飄蓬何幸三春

柳能兼造化功。朝罷催歸騎。天街微雪連。喜  
看三白瑞。低覆九衢烟。緩度高輿穩。輕披鶴氅  
翩。窺籬人落魄。驚許是神仙。歲肇三元日。祥  
飄六尺花。將軍方奏瑞。學士漫烹茶。色映金魚  
素。輕霏紫綬斜。點衣那有意。進賀即堪誇。積  
雪夜談經。寒光映滿庭。雲鋪難逐月。冬破乏囊  
螢。豈為憐飛白。聊資照汗青。朗然消萬慮。眉目  
覺清冷。削玉更鏤珠。寒烹清味殊。天香沁肺

厨冷色上眉鬢。玉食何須羨山厨。且自娛羊羔。  
千斛醉。漫姚黨家奴。洛學先生欣魏然。道貌  
崇雪深。雙戶外。樂永一庭中。久立情靡倦。端居  
興不窮。伊人非耐冷。應為坐春風。右雪事十  
咏。雍正乙卯清和月。寶親王長春居士著。鈐寶  
二寶親王寶。染翰每幅分鈐寶。得句因新意。廊  
然大公會心不遠。觀天地生物氣象。居敬存誠。  
携筆流雲藻。耽書是宿緣。微言晰纖豪。有吾與。

點也之意。末款梁詩正敬書。第五絹本十二

對幅每幅縱一尺。橫七寸六分。宋駿業畫山水設色水墨各六。每幅款。臣宋駿業恭畫。鈐印一。臣駿業對幅顧成天題。

一徑通幽處。深林曉氣清。微風疑乍起。啼鳥欲傳聲。絕似羲皇世。應添叢叢情。伊人在何許。對此足平生。深林秋氣肅。溪上一橋橫。遙指前村路。行來犬不驚。四山迎步障。深處有人家。九曲穿難到。空明深澗沙。暖風遲日弄春晴。水色林光刺眼明。院落誰家簾盡捲。都應高處聽鶯聲。林園處處春風。樹映樓臺水映空。大地韶華滿。虛名解。春却。

在畫圖中。層巒天欲接。展卷豁煩襟。洞簫  
烟霄外。鳥鳴竹樹深。白雲常不卷。明月自相  
尋。掃石招同調。相將拂玉琴。數椽雲樹翳  
山隈。兩板柴扉向石開。近被樵人識。門徑移  
家又過一峯來。暖翠浮嵐天外峯。雨晴雲  
斂黛痕濃。春來寓目皆生意。山鳥山花處處  
逢。高人自識山中趣。拆擋翠書入山去。重  
門遙指半山間。亂雲遮護無尋處。塵外精  
廬何處求。山中高致足遲留。行來葉欲黃。遠  
寺始識風光半是秋。林木清疎遠世塵。板  
橋流水是通津。柴扉靜掩都無事。何必輸他  
康羨人。一片金風晚露收。却莊處處太平  
秋。眼前多少豐年象。盡在茆簷竹屋頭。遠  
望青山微結廬。雲外想好句。憶蕪州。天秋百  
泉響。縣崖雲作梯。飛瀑光如綺。獨羨谷中  
人。泠泠時在耳。蕭疎古木暮烟收。近水

家曲逕幽。應有釣船歸。較晚一天寒色。漫青  
流。結廬地僻。人難到。林外耕餘十畝田。料  
得鉅關無箇事。平分風月自年年。崇崖高  
百尺。入望影參差。茂樹垂陰遠。茆齋托迹宜。  
霞飛殘雨後。蟬噪夕陽時。布戰青鞋日。行蹤  
此處知。朔吹下微霜。天空木葉落。清輝淡  
夕陽。山客瘦如削。晴雨亦有時。氣象激寒  
槎。材生意在。靜致滿林壑。景色何蒼涼。九  
應與鶴。畫師類倪迂。含毫若有託。雨後十  
山溪。黛濃。迷離樹影自重重。米家筆意合猶  
在。掩夢彌增竅。窈窕。龍蔥佳氣滿皇州。到  
處林壑景色幽。一抹烟雲人盡望。甘霖作後  
未輕收。每幅秋。巨額成天歌。題。第六絹本  
鈴印二。夙夜惟寅。臣顧成天。

二十對幅。縱一尺三分。橫八寸五分。金昆設

色山水寫

御製有鳥二十章詩意。一鳳凰。二朱鷺。三鴛鴦。四  
鵲。五鷓鴣。六靈雀。七布穀。八鴛鴦。九沙鷗。十  
雁。十一雉。十二慈烏。十三鷹隼。十四鴻鵠。十  
五錦雞。十六白鳥。十七精衛。十八白鵝。十九  
孔雀。二十鶴。款金昆。恭畫鈴印二金。昆對幅。

御製詩

見

重華

宮所藏梁詩

風雅存冊

雍正乙卯仲春寶親王長春居士著鈴寶二寶



親王寶。染翰每幅分鈐寶。物來順應。正誼明道。  
有吾與點也之意。耽書是宿緣。會心不遠。廓然  
大公。讀聖賢書。觀天地生物氣象。得句因新意。  
立修齊志。長春居士。勤學好問。文章有神。交有  
道。携筆流雲。微言晰纖毫。讀書晰理。居敬存  
誠。末款梁詩正謹書。鈐印二。詩正敬業。第七  
絹本。十五對幅。每幅縱一尺。橫八寸。唐岱設  
色畫。

御製小園閑咏十五首詩意各標名。一曲徑通幽。  
二芳嶼。圓基三。桃溪步屨四。竹塢春深五。芳  
港閒鶯六。春湖涵碧七。石坂烹雲八。廣夏冰  
壺九。鏡水荷香十。月樓夕幌十一。蘭橈獨釣  
十二。竹籬鶴步十三。蘆岸秋清十四。板橋霜  
躋十五。雪徑梅姿末幅款。唐岱恭畫。鈐印二。  
唐岱對幅。

御製詩。

為隔塵氛遠。應憐曲徑長。紆迴山勢抱。邈迤竹  
垣藏。鶴步苔痕合。春歸花氣香。板橋流水外。別  
有讀書堂。乘興步芳嶼。逍遙任所之。已看苔  
作席。最愛柳成帷。漫煮蒙溪茗。閒拋賭墅棋。東  
山稱盛事。吟望寄遐思。山桃開也未。杖策試  
探尋。好景春來遍。芳蹊曲處深。明霞千樹疊。傍  
水一枝臨。何必武陵路。隨緣物外心。閒過山  
塢裏。粉脫見新篁。勁節當春綠。疎竿泛籟長。蕭

騷寒雨夜。彷彿輞川莊。不肯裁為管。無勞引鳳凰。  
春色堂堂去。鶯聲恰恰來。絳蠶聽處。澁風  
景暗中催。長日慵攤飯。新缸喜撥醅。笙簧隨分  
有。何必舞三臺。碧水漾平湖。空明一鏡鋪。鬢  
眉應可鑑。塵壒杳然無。點點浮青荇。雙雙下白  
鷗。春風浴沂水。視此意何殊。敲火烏卿熾。烹  
雲玉液清。龍團曾未點。魚目已旋生。漫說腸堪  
潤。應知眼倍明。披襟成小嘖。孤鶴一聲鳴。天

伏三庚永堂開六月涼。深深屏隔暑。疊疊簾含  
霜。底事揮紈扇。無勞問蔗漿。冰壺供坐卧。樂意  
自相忘。半夜芙蓉雨。三間水月樓。清香隨處  
度。風景一時收。榦密妨魚躍。花深隱鶯遊。詩情  
頻入座。不必問漁舟。雨洗塵氛靜。天空花鳥  
閒。月樓開一面。夕幌捲千山。牧笛耳邊過。征鴻  
眼裏還。桂香依舊發。付與阿誰攀。秋湖魚怯  
餌。池釣事如何。綠水一竿竹。清風幾領蓑。蒹葭

塵外老。星月箇中多。夜靜獨歸去。清光掛女蘿。  
結社松為宅。看家鶴守門。偏知人客至。不負  
稻粱恩。宿月精神古。梳風毛羽繁。由來好僮僕。  
不必貴乘軒。秋色知多少。蘆花盡白頭。戰風  
搖夕浦。飲露亞沙洲。生意知將謝。隨時未肯休。  
蒼茫烟水裏。好去弄扁舟。隔溪亭子迥。為架  
板橋通。秋老碧天白。寒深楓葉紅。捲簾吟夜月。  
著屐步霜風。愛此雙雙蹟。扶筇過水東。四時

花木足。最喜是園梅。傲雪三冬裏。因風幾朵開。  
清香流玉骨。冷潤滴冰腮。獨有幽人賞。巡簷杖  
策來。右小園閒咏十五首。雍正乙卯夏五月。寶  
親王長春居士著。鈴寶二。寶親王寶。染翰每幅  
分鈴寶。觀天地生物氣象。携筆流雲。添微言。晰  
纖毫。廓然大公。有吾與點也之意。耽書是宿緣。  
會心不遠。讀書晰理。得句因新意。物來順應。居  
敬存誠。末款染詩正。謹書。鈴印二。染詩正。第

八。絹本十二對幅。縱一尺。橫八寸六分。唐代  
水墨畫。各標題。一。我蜀鋪雲。做大李將軍。二。  
重溪烟靄。做董北苑。三。秋澗鳴泉。法闕全。四。  
瀟湘烟雨。做米元章。五。湖山春晚。做趙大年。  
六。山雨欲來。師巨然法。七。遠浦歸帆。臨子昂。  
八。雲壑松風。做王蒙。九。浮嵐暖翠。做黃大痴。  
十。秋林遙岑。做倪雲林。十一。烟浮遠岫。法吳  
仲圭。十二。漁莊雪霽。做李成。末款。摹古十二。



幀。唐岱恭畫每幅鈐印二。唐岱對幅。

御製詩。

春入岡巒暖欲烘。翠雲鋪岫正鴻濛。寺臨峰頂  
朝嵐靄。閣跨川梁朔氣通。疑有玉喬乘碧霧。那  
無禦寇御清風。海塵任起石山下。盡對方壺弱  
水東。雨餘山滴翠。江村澹朝烟。新綠濃於染。  
生意滿水田。小閣架波上。別有幽徑穿。前溪接  
谷口。後溪芳嶼連。濛濛隔遠岸。修白挂飛泉。憶

昔春三月。西海蕩蘭船。往往有此景。與我相周。  
旋。披圖如重遊。樂意生几筵。唐生知我趣。山水。  
得天然。欲擬再添寫。扁舟泛碧川。滴滴復淙。  
淙。飛泉挂玉峯。聽時秋韻肅。望處翠烟濃。丹改。  
寒楓葉。黃添細草茸。披圖饒逸興。擬欲策孤筇。  
瑟瑟瀟湘烟雨秋。憑將妙筆寫風流。蒼茫雲。  
水望無極。佳句都輸趙倚樓。我愛湖山好。春。  
來景倍嘉。和風吹淡蕩。遲日麗穠華。柳岸青垂。

縷桃谿錦疊霞。新針抽嫩稻。碧葉暗疎麻。峯黛  
疑靈鷲。波光是若耶。輕舟浮水面。芳徑引山家。  
渲染毫添潤。游觀興自賒。何須蠟雙屐。小閣坐  
烹茶。南峯北峯雲布。千樹萬樹風生。獨凭危  
樓望遠。忽然簷滴琴鳴。天末見扁舟。頃刻來  
前浦。塔院晚鐘聲。客船一夜雨。萬山層疊青  
如洗。落月西橫嵐霧起。唐生胸中有廬霍。丹巖  
翠栢秋空裏。陰壑生風天欲吼。山腰直瀉銀瓶

水畫家雅重山水科。渲染妙在得神髓。丈山尺  
樹須討論。遠峯無皴雲鎖底。巨石欹嵌小徑長。  
三遠尤宜深自適。我頗懶參畫中禪。不諳其法  
會其旨。披圖筆思妙縱橫。度之畫法誠如是。是  
時金風拂天末。西山秀色侵梧兒。坐卧彷彿萬  
里遊。露蟬叫醒吟詩耳。宿雨含朝潤。浮嵐望  
處深。溶溶流碧水。幕幕暗疎林。萬壑輕風度。重  
溪暖霧沈。高低烟翠裏。終日愜登臨。碧潭澈

底清。遙岫連空白。即目堪臥遊。披圖仰高格。  
水閣臨波結構奇。秋澄千頃碧琉璃。何人為倚  
危欄坐。正是烟浮遠岫時。把釣寒江雪送歸。  
璞瑤埋徑認依稀。點空遠色迷前壟。積翠遙岑  
對曉扉。此日定知魚不餌。滂天遂似鳥空飛。玉  
梅芳意知多少。箇裏原藏造化機。雍正甲寅  
夏寶親王題。鈴寶二寶親王寶。長春居士每幅  
分鈴寶。隨安室。觀天地生物氣象。微言晰纖毫。

正誼明道。長春居士。鳶飛魚躍。文章有神。交有道。樂善堂。有吾與點也之意。得句因新意。耽書是宿緣。勤學好問。末款。梁詩正謹書。鈐印一。梁詩正。第九。絹本。十二對幅。每幅縱一尺。橫八寸二分。唐代做各家山水。一。做關仝翠壁丹楓。二。做李成谿山雪霽。三。做董源雲壑松風。四。做范寬關山行旅。五。做郭熙秋澗鳴泉。六。做巨然烟浮遠岫。七。做趙令穰花溪漁隱。

八。做趙孟頫翠岫清溪。九。做黃公望晴巒春  
霽。十。做王蒙林泉清集。十一。做吳鎮烟江疊  
嶂。十二。做倪瓚淡亭山色。每幅款。臣唐岱恭  
畫。鈐印二。臣岱對幅張照題。

臣生兩度持節行五溪。並值涼秋八九月。浙  
漸江水上。有楓。絕壁紫雲不可越。橫空倒挂  
枝。糾紛。千枝萬枝。杜鵑血。霜文翠。照曉。翻翻。  
蕩以明霞。駭栖鵲。峯迴路轉。殷其雷。柳玉。鏤  
珠。漂以忽。眩轉。焚煌。萬狀中。更不匹。練光相  
汨。鳥語丁寧。行不得。行人留意。那能發。挿天  
青嶂。抱天迴。兩袖靈香。雲物初。鈴聲替。戾出  
丹嶽。破廟紅垣。點林樾。其神維何。屈與葛。牌

香欲往危梯滑。人物風流感心骨。江山奇秀  
動毛髮。不知盡師何年從此游。筆需宋玉辭  
中裁。十里烟雲宛在眸。猶有靈風夢雨盡不  
得。長伴春蘭秋菊依山湫。君不見東郭先  
生履無底。又不見袁安炊烟卧不起。千秋摩  
詰盡中詩。雪裏芭蕉豈無以。此中本來無有  
堅。消受天工玉戲耳。郊廬之內五勝更。鹽絮  
是非兒。女子銀闕珠宮瑱樹花。幻成消得幾  
彈指。四大寶珠一合光。廓徹空明無處所。請  
看此間湫水前。小立瑤臺得無喜。雲興滿  
太虛。雲散沁衣袷。以此無定姿。閱人恒沙劫。  
十里陰森萬樹松。松頭歷歷白雲封。泉聲處  
處松聲雜。白日無風常燭燭。雲出峯坳如有  
聲。泉歸大壑鏡雲平。古松根。石泉路。抱琴來  
寫之。不入大韶亦大蔑。得得霜蹄谷底鳴。  
鵝背夕陽金錯明。粗細減淡不可見。山從面



起無路行。四圍蒼翠撲眉明。一條磴道梯雲  
梯。體疲心雄不相到。我馬奔泉候鴻驚。飯策  
攬轡定神志。兩耳愜然廣陵秋半之詩聲。山  
背斜轉不見水。但見玉崖珠露方空輕。沾衣  
撲面樂且駛。淨洗心腑涼而清。甫側帽簷出  
林樾。彩虹十丈梁空擎。奔流直下乃許急。大  
響強強如雷霆。渴馬無膽不敢上。一笑兩腋  
天風生。行路難。古所稱。作夢依稀畫裡成。藏  
得東坡一句奇情。破天機。芙蓉花老秋潭  
空。四山仙珮玉丁東。東澗流從西澗落。上方  
聲與下方通。冷然琴筑無作止。高低遠近信  
天風。靜夜月明最清切。蕭辰日出何玲瓏。晶  
晶斜穿翠微翠。羣鳥冷浸紅葉紅。上有雙崖  
插天碧。叢叢下有飛雲橫。帶白容容。樵夫茂  
木為樂句。神女行雨與換宮。一生住此西崦  
茅屋中。兩耳不若蛙聲。自然返聞聞自性。

性自獲園通。福地蕭真與鶴居。茅宇數間  
高入雲。俯看松頂表。獨立。仰視蔚藍手可扪。  
而前臺海浩無垠。東涌西沒千峰。齊州九  
點兩界分。此中勿復重紛紛。折角錯容五合  
陳炊烟雲烟相吐吞。吳龍道還無一事。亦不  
自道。羲皇以上人。碧桃開滿二月。驚蕩舟  
如入大紅海。風飄萬點。滅不得。春在枝頭復  
破蕊。瑤華洗花。柔白雲。托作朝霞。天半彩。水  
光激澗。更陸離。水面一聲。飄散。乃。人疑古漁  
父。靈均一笑三十載。地。即桃花源。避世秦人  
子孫在。神仙之說。誠荒唐。谷。永嘉言。真可  
但使人間有此佳境。得安居。仙乎。仙乎。是  
所以乃。山光水光。翠撲衣。誰花生樹。鶯亂  
飛。富春江上。春色富。鷗波亭中人。未歸。野  
着岸。搖暗暉。五畝之宅。松林園。高樓清迥。雲  
所依。曲曲溪流環繞之。木杪半露。金仙扉。鐘

魚旦暮來。微。秀王孫居似此。畫入洛。一生  
空釣磯。有元繪事多名手。癡迂梅鶴為上  
首。一洗唐宋膠粉空。獨脫無依。貌萬有。黃鶴  
山樵。鷗波。鵲不向如來行處行。濃皴密點皆  
古篆。玉英金薤紛縱橫。梅花卷主愛畫竹。紙  
上蕭蕭風雨足。解香散為文湖州。併寫翠坡  
記。貧谷清秘閣中迂。更迂。寒瘦絕倫轉疊。勝  
一筆增減不可得。六法中之傾城姝。公望壽  
與太公埒。但有大癡無小點。脚底踏通五嶽  
雲。造化神秀歸金札。四子畫皆冠古今。獨於  
聖也。先飲。祿。不。是。尋常山水趣。如見千載仁  
智心。其神愉愉。王溫潤。其色幽幽。淵靜深之  
子相傳。獨仙去。後來未易丹青臨。山中人。  
友歡伯。飲石泉。落松伯。團圓頭。孰主客。天為  
幕兮地為席。齊萬物兮等今昔。青眼青天一  
飲一石。何用擊鼙鼓。吹龍笛。羣姬行酒。萬牛

御題

病多如聞劉伶笑李白。此中若有愁。萬古字  
銷得。荷鉞携壺。人無此格。絕壁千尋斗入  
水。江水無塵。直見底。載得清風明月來。一幅  
清帆野艇子。曉日欲上一江烟。日高烟散山  
娟娟。綠江九曲。山九面。目不給賞。口未宣。風  
引之去。別一天。樛木下垂。龍蜿蜒。相對百道  
飛來泉。峭岫忽起。江心漩。漱玉噴沫。聲潺潺。  
一齊清切。白雲上。入破笛裂吟哀猿。繪圖作  
詩景。莫倚。請奏龍門桐。上七條絃。草亭風  
蕭蕭。竹木盡寒瘦。中有古逸民。乾坤與森壽。  
溪山閑盡萬古春。誰其壽與乾坤倫。報道草  
亭即是一乾坤。何況縛草為亭人。每幅款。臣  
張照敬題。鈐印二。臣張照。心正筆正。

此冊向貯香山。愛照詞翰超逸。來必閱賞。此詩  
唐青蒸通用。乃末句慳韻。闌入十五刪。五十餘  
年。始知其誤。可發一噱。癸丑清和御識。

第四

第十絹本。十二對幅。每幅縱九寸四分。橫六  
寸七分。焦秉貞設色。畫亭臺樹石。舟橋仕女。  
每幅款小臣焦秉貞恭畫。鈐印一。臣焦秉貞  
對幅。

御製詩。

雕闌曲曲倚雲娥。嫩日烘晴勝事多。賭擲鞦韆  
携伴侶。綠陽影外舞僂僂。小板塗朱貫綠繩。  
嬋娟天上踏雲登。柳風拂處人吹過。環珮聲搖  
最上層。簾幙周遮重復重。春情難綰倩雲封。  
蛾眉兀坐低無語。金鴨燒香鎮日濃。戶外辛  
夷已放齊。花光掩映碧欄西。簾櫳不閉虛堂敞。  
飛集黃鸝恰恰啼。平臺文石淨無塵。小立凝  
眸景物新。春到人間饒富麗。柳烟花雨總宜人。

遲遲春日上迴廊。庭院深沈。午晝長。徙倚東  
風不歸去。撩人花氣撲衣裳。珮環聲響出簾  
帷。結隊雙雙。蓮步遲。紅紫隔垣。紛發眼。臨風小  
語立移時。望裏重重綺作疏。閒庭風暖。午晴  
初。能言鸚鵡。窺人語。報道春寒已盡除。廉纖  
細雨密如絲。點滴檐聲落玉墀。消遣餘寒春閣  
裏。花殘閒學自題詩。綠窓高啟。對迷濛雲影  
垂。垂滿太空。花好不禁遭劇雨。落紅明日掃晴

風曉風澹澹。爽於秋。笑語聲喧綠水洲。禽採  
蓮花歸擢緩。一輪紅日上山頭。高荷朵朵映  
波紋。大葉田田散綠雲。清露滴盤珠萬顆。砌花  
傾濕藕絲裙。亭外無人夏日長。名姝逗暑倚  
匡牀。臨風試舞翩跹態。消遣閒看小女郎。高  
柳陰濃暑不生。小亭終日有餘清。筠簾捲處風  
吹到。送過涼蟬斷續聲。瑤窓深閉靜無聲。隔  
斷凡塵院宇清。閒賭圓碁消乙夜。祇聞腦膊響



欹枰。漏滴銀壺箭響時。手談無語罷碁遲。燒  
殘紅蠟斜明月。階下梧桐影已移。聞道瑤池  
阿姥家。瑤宮璇室闔瓊華。就中儼亦成瀛閬。幾  
隊仙姝倚立斜。翠壁撐空石氣寒。迴廊屈曲  
倚巔巘。姮娥鏡檻粧初罷。寶鼎香濃爇未殘。  
晚涼庭院與人宜。手把生花拗一枝。羅袖高擎  
香不斷。輕風有意往來吹。疎籬巧樣織山屏。  
點綴花枝映畫樨。多種芭蕉聽夜雨。風旗舒綠

覆檐青。月戶團團。有人文疏繡。桶綺堂新。  
琵琶一曲。聲清脆。大小珍珠散落勻。松風謖。  
談拂香幃。閒搔檀槽響。徹扉驚起。樓簷雙白雀。  
空中鬬舞。繞林飛。一剪韶茸。覆綠雲。溫房煖。  
室地爐熏。任他簾外寒威重。金璫仙醕。注十分。  
華燈縣處。影瓏玲。瑟瑟疎林朔吹笙。啟戶月。  
高天宇迥。雪峯數點映空明。寶親王長春居。  
士題鈴寶二。寶親王寶。染翰每幅分鈴寶。芝蘭。

室物來順應。正誼明道。有吾與點也之意。耽書  
是宿緣。會心不遠。廓然大公。讀聖賢書。觀天地  
生物氣象。得句因新意。立脩齊志。長春居士。末

款。梁詩正敬書。鈐印二。梁詩正。第十一。綃

本十二對幅。戴天瑞設色畫四時山水。一。縱  
九寸九分。橫七寸六分。二。縱八寸六分。橫七  
寸九分。三。四。縱九寸。橫七寸八分。五。六。縱八  
寸六分。橫七寸九分。七。縱八寸一分。橫八寸

二分八。縱九寸二分。橫七寸八分九。縱九寸  
九分。橫八寸。縱一尺。橫七寸八分十一。十  
二。縱九寸九分。橫七寸七分。每幅款。臣戴天  
瑞指畫。鈐印二。臣戴天瑞對幅梁詩正題。

淡沲波光映碧天。桃紅如赭柳如烟。數間屋  
好緣溪置。兩岸春多入眼妍。遠近山容長對  
戶。畫闌景色足題箋。是中頗有登樓客。恍憶  
當年王仲宣。瀟瀟暖漲滿湖新。堤岸沿迴  
一對春。笑樹桃花紅綴萼。萬條柳線綠依人。  
魚莊蟹舍殘陽小。短棹輕帆野水濱。消得風  
光幾九十。木蘭舟上試逡巡。昔詩陶潛記  
心慕桃花源。夾岸無雜樹。灼灼紅英繁。沿溪

洲。洄入。境。寂。無。詳。宣。漁。父。一。何。幸。橫。艇。游。其  
間。誰。與。好。手。筆。渲。染。溪。山。卷。武。陵。靈。秘。蹟。恍  
若。到。今。存。開。卷。一。再。玩。置。身。在。仙。村。設。說。蓮  
萊。島。後。代。無。問。津。谷。口。風。光。舊。年。年。樂。令。辰。  
竹。籬。面。面。傍。川。居。開。敞。高。樓。縱。目。餘。天。際  
是。岑。橫。寸。碧。檻。前。新。漲。漾。晴。虛。千。章。綠。蔭。森  
國。屋。一。徑。橋。通。斗。跡。梁。風。景。依。稀。難。舉。似。吳  
興。清。遠。較。何。如。鏡。面。方。塘。水。清。泚。繞。岸。荷  
花。紅。十。里。岩。疏。稿。影。深。蟬。娟。市。郭。喧。塵。淨。如  
洗。誰。家。層。閣。凌。波。開。曲。檻。長。廊。紛。遞。遠。水。光  
花。氣。襲。衣。襟。置。身。疑。在。蓬。萊。裡。有。客。覓。軒。促  
膝。談。玉。屑。霏。霏。揮。塵。尾。家。僮。解。事。偷。書。籤。荷  
風。悄。拂。芸。香。起。一。幅。天。然。消。夏。圖。妙。手。丹。青  
傳。筆。底。展。對。清。涼。著。紙。生。沉。乃。臨。風。親。徙。倚。  
從。如。六。月。下。塘。春。坡。公。吟。賞。何。能。已。蠟。香  
風。生。波。碧。湖。水。邊。沙。際。滿。平。蕪。前。雅。近。益。秋

多少。試上扁舟。記得無。蘆花蕭蕭欲作秋。  
平沙好。集鷺鷥。鷗盟。船窓生有忘機者。落木寒  
灣。放棹行。字淨生涼夜。秋高。扇脫風橫。雲  
穿戶牖。淡月冷梧桐。影散空庑外。烟浮碧落  
東。間堆書軸好。都裡意何窮。八月秋高風  
雨急。汀洲影點蘆花白。一行雁陣橫空去。沈  
寒低度雲山卷。天水茫茫望欲曛。漁人橫艇  
無帆簾。短笠長蓑青竹簷。船頭忽見衝烟碧。  
見說瀟湘與洞庭。免誰好手圖盈尺。展幙頻  
看寒意生。恍對溪山風雨夕。遠岫凝眸。  
疎林似著霜。秋容真淡淡。野望劇蒼蒼。路窄  
歌危石。天高帶夕陽。此間饒逸趣。試擬結雲  
莊。最愛蕭森竹。橫斜古道侵。影遞苔字綠。  
風度簾龍吟。景曠少人境。秋涼多野陰。茆亭  
結處好。閒待客過臨。蕭森竹樹影千尋。小  
築上居曙色陰。一夕涼風散綠玉。依稀謝谷

有遺音。空谷幽人想望中。閒消長日。藉絲  
桐。誰與解事。携琴至。拍燕籬。邊過小僮。疎  
林矮屋。半周遭。藤蔓交離。帶晚瓜。架木為供。  
閒客坐。編茅恰稱野人家。却種閒聽寒雞喚。  
夜靜曾無擊柝聲。只有多情天半月。清光偏  
照慢惟斜。大地珠玉慶。千山斷飛鳥。獨坐  
草廬人。冷逼忘昏曉。雅宜披鶴氅。却事  
龍團。紅蕖風爐火。山窓借破寒。寒樹瘦  
杈。梅梢欲作花。一枝斜石徑。清景稱烹茶。  
積素門巷深。綠溪橫畧約。過訪杳無人。凍雪  
林落。每幅款。臣梁詩正敬  
題。分鈴印。臣梁詩正。遼山思永。

第十二東

洋牋本十二對幅。每幅縱一尺。橫八寸一分。  
蔣廷錫設色畫花卉。一。碧桃竹枝。二。蟋蟀草。

紫花三貼梗海棠。四蘭花。五垂絲海棠。六萱  
花。石竹。七木香。八秋海棠。九藍菊。十秋葵。老  
少年。十一牽牛。十二萬壽菊。款。臣蔣廷錫恭  
畫。每幅鈐印二。臣廷錫朝朝染翰對幅顧成  
天題。

吹來明媚。有東風。露井年芳見。化工笑倚晴  
薰。流烟曼。一枝高。出軟塵紅。荷荷葉竹間  
丰姿。類葦重。重。色露時。小鳥自來蝶自舞。春  
光濃淡。總隨寫。淺紫嫩纖華。柔枝著處生。  
臨風增靚麗。點綴綺思情。萬物多生趣。花  
間粉翅低。蟬吟勤式微。飛動亦天倪。上苑



韶華滿。東風次第開。嬌紅綻。新蕊。硬綠。挺。條。枝。蝶。為。尋。香。至。鳥。應。入。夢。回。陽。和。佳。氣。引。小。卉。亦。名。材。九。畹。幽。姿。絕。點。埃。秋。風。披。拂。長。根。多。不。同。謝。草。庭。前。發。却。傍。江。花。筆。底。開。飛。蝶。自。從。渲。色。繞。枯。林。偏。襯。寫。生。來。幽。香。無。並。推。王。者。應。首。名。葩。上。玉。臺。烟。梢。露。蕊。足。風。流。淑。態。傳。來。錦。水。頭。一。種。溫。柔。宛。古。語。春。光。如。許。正。難。留。顏。色。東。風。著。意。勻。神。仙。品。松。骨。評。論。枝。頭。雙。雀。尋。芳。到。同。領。人。間。飽。治。春。曾。詠。風。詩。樹。北。堂。每。四。雨。露。占。恩。光。忘。機。蝶。應。忘。夏。草。獨。向。枝。頭。一。採。芳。勸。人。嬌。艷。續。羅。衣。碎。片。芳。英。倩。影。微。應。笑。霜。筠。多。冷。淡。合。歡。枝。叶。開。春。輝。無。意。爭。春。開。最。晚。層。層。簇。簇。有。餘。香。盡。黃。嬌。額。梅。同。韻。記。得。飛。英。長。嘴。堂。枝。疎。影。寒。暗。流。芳。染。出。驚。兒。一。樣。黃。晴。日。春。深。兔。在。吟。當。年。曾。賺。寬。頭。香。梧。桐。葉。晴。

下菊初苦。弱倚清秋。倩信常白石砌邊。留冷  
艷。綠雲堆裏。東顯紅粧。薄含珠露。迎朝暈。高映  
丹霞對夕陽。款款蜻蛚飛不住。釣絲無著。覓  
餘香。色自珠犀弄弄。名猶占晚香。誰離同候  
者。望翠漸登塲。蟬聲遠去。安穩夕陽西。秋色滿天地。秋  
花點眼明。芳心能向日。交感傾其誠。紛披葉  
似錦。傳自漢宮名。非花勝於花。素氣吐精英。  
有蟲稱絡繹。鳴使懶婦驚。應候迺始出。五行  
協金聲。誰令造化巧。一從筆底生。補入幽風  
圖。點綴胥有情。露葉玲翠一枝枝。開到金  
風乍動時。色比爐銀渾不定。願教日影上遲  
遲。春差石砌點點最。名借東籬實不同。金  
罍慣迎朝旭。恩緒翻觀暮霞紅。明光殿裏  
菲菲繞。並壽筵前色色工。小草也知承雨露。  
畫圖托意比呼嵩。每幅秋。巨額成天敬題。鈴

印二。風夜惟  
宮。臣。翻。成。天。

第十三。絹本。十二對幅。每幅

縱九寸八分。橫八寸二分。陳枚設色畫十二

月景。末幅款陳枚恭畫。鈐印一。臣枚對幅

### 御製詩

正月迎春春尚淺。歲華新入屠蘇盞。七人八穀  
次第經。頭信東風未如剪。上元燈燭凝冷光。遲  
遲玉箭宮漏長。白雲觀裏耍燕九。擷蔬啖餅過  
填倉。暖日香衢連繡谷。河橋柳線拖晴綠。和風

解凍碧池新。幾人倚遍闌干曲。九十將半春。  
光催蛟龍啟蟄。殷其雷。小桃含笑。社燕來。午簾  
悄悄。當門開。未過花朝。春婉晚。已過花朝。春色  
滿。曉風暮風。料峭寒。晝夜平分。不長短。花明  
柳暗。春正深。人爭修禊。河之渚。新篁迸梢。纔解  
箨。戴勝降桑。初展音。紅褪枝頭。粉蝶忙。顰脂沁  
水。漂餘香。一百六日。清明節。二十四番。風信長。  
采留一聲。嚙帝里。暗中催却。春殘矣。雉母呼

雛新寵綠。麥秋天氣薰。風撲清和稱體。衫輕。  
遙林密鎖。連空青。八日結緣。喫豆子。招提。各解。  
五香水。小園斜日。罷鞦韆。香閨曉寒。試羅綺。屈。  
指數時春已遠。記得風光。猶在眼。榆英吹殘。買。  
笑錢。荷盤擎出。遮陰繖。伐鼓鐘。紛歌吹。五日。  
天中競水戲。蒲如劍。榴如火。五花絲。棕楝葉。裹。  
小年天氣。林蔭濃。冰盤綠。玉堆玲瓏。揮絃解慍。  
歌南風。霜簟藉汗珠。風扇引松籟。隄畔蟬曳。

聲庭前樹垂蓋。河中洗馴象。天上遲赤龍。虞姬  
裊裊舞衣袖。麗華步步踏芙蓉。建軍金盤凝玉  
粒。天宇澄明風露入。鵲橋初度會雙星。曉來依  
舊隔河立。人間羣快大火流。秋林月黑螢光燭。  
中元荷燈耀水紋。孟蘭勝會鐘魚集。手中蒲扇  
有時拋。桁上羅衣欲收拾。無端蟋蟀傍階鳴。暗  
催碓杵秋聲急。仲秋氣颯爽。金風起天末。社  
燕與秋鴻迎送何倏忽。步檐桂月明。瓜果堆盤

滑。祭罷望雲天。霞車歸月窟。書空霜信驚寒。  
冷。蕭瑟木脫寒烟靜。澄江水淨白連天。千尺蒼  
松矗高嶺。金樽菊酒茱萸囊。登高譙樂綺席張。  
日斜歸踏空山路。落葉紛飛委地黃。招搖北  
指元冥冬。鳳書紀歲頌王宮。銀虬漸長金蘭紅。  
屈戌小閉飛霜風。春回一點南枝上。梅花清映  
梅花帳。隔村擊鼓賽田神。歲豐戶戶傾新醪。  
灰飛葭管天開子。一線長添一日裏。書空記候

物昭蘇。亞歲迎祥。綏福履。城樓挂月。寒夜長。  
地爐。蕪炭騰紅光。臘八晨炊果糜熟。祀竈晚飮  
糴。糴香最愛年前立春好。銀幡綵勝爭工巧。細  
繡和氣肇元辰。天闕晴旭雲霞繞。雍正乙卯  
夏。寶親王長春居士著。鈴寶二寶親王寶。梁翰  
每幅分鈴寶。物來順應正誼明道。有吾與點也  
之意。耽書是宿緣。會心不遠。廓然大公。讀聖賢  
書。觀天地生物氣象。得句因新意。立脩齊志。長



春居士末款。梁詩正謹書。鈐印二。梁詩正。第  
十四。絹本。十二對幅。每幅縱一尺一寸六分。  
橫九寸八分。陳枚設色畫。十二月仕女景。末  
幅款。臣陳枚恭畫。鈐印二。臣枚。敬畫。對幅。梁  
詩正題。

一番花信動南枝。點點寒英弄雪姿。深院無  
塵人不到。暗香孤有玉娥知。翠羽啁啾月  
色寒。橫斜一徑影交攢。看花索笑巡檐入。那  
顧華燈絳蠟殘。東風二月拂人和。高髻鞦韆  
紅袖多。五色衣裳耀明錦。綠雲相映掠空  
過。綠楊紅杏媚春晴。綫到花朝淑景成。閒

開身輕踏空舞。天風吹度佩環聲。院門靜  
掩落花輕。長盡閒銷借一棹。春曉不悲纖手  
冷。珠簾脂粉子聲清。黑白分盡女伴俱。綠  
窓破却鋪工夫。手談未了移晷日。花竹春庭  
弄影疎。春歸無迹香難追。風物清和入夏  
時。木筆花開香滿院。書空無數子藏疑。風  
信吹過廿四番。花開婪尾壓枝繁。春殘應教  
人珍惜。摘向銅瓶起日暄。羣鴉噪後晚涼  
增。綺閣清幽暑不蒸。拭取菱花試梳掠。柘窓  
紅日已東升。脩竹環亭翠萬梢。深閨當夏  
淨塵容。溪流漾綠臨粧閣。洗粉何煩遠汲  
甕。消夏荷塘晚最宜。紅衣翠蓋映茶羞。一  
簪梧穿花入。正是殘陽落照時。採蓮纖手  
入花忙。岸上羣娃鬪麝糖。風過池塘無  
雁。衣齊染水過香。金風瑟瑟獵庭柯。曲檻  
清幽殘暑過。滿院梧桐涼似水。鵲橋雲外報

齊多。一條銀漢碧天橫。秋入今宵分外清。  
乞巧金針。誰度雙星。向人明。霏微  
玉露灑秋涼。金粟損枝點點黃。不用龍涎焚  
寶鴨。清芬暗襲。倚羅裳。瑣臺高出萬花叢。  
袖拂天香散。碧空玉宇無雲。蟾窟朗。團圓好  
景此宵同。階前白露已凝霜。小苑叢芳菊  
綻黃。相賞卽逢秋。日好。喜無風雨近重陽。  
庭前菊蕊散香寒。庭後林楓葉葉丹。秋色不  
殊春景麗。玉墀携伴笑回看。灰飛葭管一  
陽通。綠線徐添日影中。曾乞天孫機上巧。五  
絲綉出繡文工。十月微霜氣漸嚴。人寒刺  
繡怯風火。屏山曲折。同幽榭。紅樹藏前日  
添。香閣冬來事漸無。女紅齊了共團圓。針  
量名畫闌心處。先依消寒九九圖。重簾深  
臥靜無塵。古鼎名琴滿室陳。凡俗盡刪珍寶  
具。清娛誰似羣雅人。風獵重帷雪作團。美

人携伴。恒清歡。溫房香。醞頻斟。處高拓。瑣窓不識寒。雪照松。背踏砌來。為尋清。寄一徘徊。謝家好句。曾傳說。此夕誰打。咏絮才。乾隆歲在戊午秋九月朔。臣梁詩正敬題。鈐印二。

臣梁詩正  
蓬山思永

第十五  
絹本十二對幅  
每幅縱

一尺橫八寸五分  
鄒一桂設色畫花卉  
碧

桃款  
鄒一桂敬寫  
一杏花  
三虞美人  
四芍藥

五紫藤  
六余靡  
七石竹  
八梨花  
九百合花  
十

牽牛  
十一秋葵  
十二菊花  
每幅鈐印二  
鄒一

桂  
原裱對幅

御製詩

薄綬輕綃麗午風。畫堂人靜暮春融。重門難把  
芳心綰。獨露一枝深院東。春雨燕脂洗嫩華。  
幾枝濃疊赤城霞。雙鸞恒在雲深處。不遣飛璫  
到阮家。一曲虞兮愴別神。徘徊猶憶楚江濱。  
那知愛玉憐芳者。不是當年姓項人。繁紅豔  
紫殿春餘。第一楊州種。色殊。送盡風流。還自恨。  
被人強喚是花奴。紫藤花繞蒼松樹。嫩蕊垂

垂麗幾多。一夜西風吹白露。還輸老幹耐消磨。  
羞與羣芳爭冶艷。每於幽處見丰姿。但教香  
色尋常在。莫恨人間知不知。也向人前稱此  
君。一葉翠帶襯紅雲。但教色媚時人眼。謾說檀  
藥獨出羣。比桃清絕似梅妍。風送嬌香戶牖  
傳。寂寞雲鬟不堪整。惱人天氣暮春天。 爛斑  
粧纈真金點。錯落花擎赤玉盤。砌畔落殘供上  
藥。傍人漫作女兒看。 翠蔓芳葩繞竹生。錦裳

披就下瑤京。莫耽佳麗人間樂。河畔盈盈最有情。  
金盤向日如承露。憐爾傾心為阿誰。午靜  
花磚風影直。將開又是最南枝。看到東籬覺  
有神。風流畫史更詩人。素華獨殿羣芳後。箇裡  
原藏萬卉春。雍正甲寅夏寶親王題鈴寶二  
勤學好問寶親王寶。每幅分鈴寶。會心不遠長  
春居士廓然大公。物來順應立脩齊志。携筆流  
雲藻正。誼明道讀聖賢書。得句因新意。耽書足

宿緣有吾與點也之意末款梁詩正謹書鈐印  
二。梁詩正 第十六絹本十二對幅每幅縱  
一尺四分橫九寸一分。冷枚設色畫

御製十宮詞詩意末幅款。冷枚恭畫鈐印二冷枚

敬慎對幅

御製詩

白苧輕盈響屨廊青龍舟裡換宸旌夜遊朝宴  
千年樂那信人間有越王

右吳宮

渚宮春暖翠華



遙簾幕風輕裊細腰不道君王深注意行雲行

雨隔迢迢

右楚宮

春鎖阿房靜管絃塵生舞袖為

誰妍從來不識君王面忽過人間卅六年

右秦宮

水晶盤淨玉腰酥愛舞因憐可用扶底事天家

萬乘富等閒難獲畫明珠

右漢宮

平生戎馬樂何

曾銅雀雖成幾度登不為夜臺聽不見悲歌一

曲向西陵

右魏宮

滅蜀平吳處上游大開武庫甲

兵收而今四海渾無事只駕羊車日夜遊

右晉宮

步步蓮花步步春。香凝羅襪不生塵。何須洛浦

遙相見。已是人間有洛神。右齊結綺臨春戶對

開。後庭花發引金杯。景陽鐘曉方酣宴。不信橫

江木柿來。右陳海錯山珍雜綺羅。鑾輿空待未

曾過。夜深欲識君遊處。但看飛螢點點多。右隋

沈香亭畔晚春妍。玉樹如烟院宇連。何事宮城

羣戲劇。應緣分得洗兒錢。右唐雍正乙卯仲

夏。寶親王長春居士著。鈴寶二寶親王寶。染翰

每幅分鈴寶耽書是宿緣。携筆流雲藻觀天地。  
生物氣象微言晰纖毫。立脩齊志讀聖賢書有。  
吾與點也之意得句因新意。末款梁詩正謹書。  
鈴印二。染翰詩正。第十七。絹本。二十對幅。  
每幅縱一尺一寸。橫九寸。冷枚設色畫十八。  
羅漢首大士。終韋馱。款臣冷枚薰沐恭畫。鈴。  
印二。臣冷枚。夙夜匪懈對幅張照題。

煩懣濁海黑風滿。五蘊大魔紛跳踉。人人倒。  
行入其口。但有毒浪無慈航。奇哉大悲觀世。

音不離此海到彼岸。坐令魔力成佛。移考海可。猶首啟請慈雲前。願樂欲聞。特秘佛言。奇特在法邊。不動脚跟久已至。十方常住一子地。三界迴繞千華雲。夜深伸手摸著枕。拘上之眼。閑不聞。但能於此八三摩。世上同應無苦諦。宴坐水月道場中。存變九天作佛事。好花如夢不多時。蠟掠驚啼足甘苦。西風半夜攪枝來。一片采雲無處所。人言花木不堅牢。我說花真無量壽。不見年年花發時。百般非舊花。依舊仁者勿起心分別。彈指中間六十劫。識得新花即舊花。天長地久無衰絀。雙林碧眼古金仙。淨琉璃餅十丈蓮。中有神龜小。子哉自在游戲。浮漚間。人方就舌聖默然。情與無情萬億年。牛頭未見四祖時。百鳥啣花作供養。為渠見與本師齊。不斷聖因成聖相。但公賦芋喜春三。聖僧之

前下一分。謂若形骸等土木。非緣問法來觀  
近。廓然無聖。亦無凡。敢果何須尚藉臻。一任  
空山倒上樹。老僧住持方事繁。腥鮮龍氣  
雲堂紫。盍盍中有垂龍子。夜半傾漱倒欲來。  
毘嵐風到眾。以此至人視龍狗。蛭蟻。反足不  
敢履一蟻。豈伊重蟻而輕龍。絀在伸邊如微  
夫。吾本如空。無所依。有作受者皆由。龍王  
跋弄受三飯。水恆生。荷噴木已。大空小空  
行脚去。豈千古屋無人住。穿得枯骸作數珠。  
自言踏著長沙路。學人禮拜應真前。蓮生須  
我出親言。前身曾是梵僧相。異類中行亦偶  
然。老僧已無者個在。倒爾不須責兩僧。祇憐  
世上異而冠。世外又添披衲性。口象仄塞  
太虛空。八面不留絲髮膽。直使恒河出鼻中。  
豈惟林園開骨上。稽首遍告大慈尊。此地因  
惠無生處。由來佛身同徧滿。一一從中作調

御。與馬同渡。負猿行。七支拄地。六牙明徹。底  
無底。香交橫。踏大願海。不聞聲。騰空返。擲  
百獸。幸。寧地。一馬醉象死。生殺同條。不思議。  
法爾天成。非有意。帖帖如兒坐。文殊。香雲翦  
濛脚。爪持。莫向野僧病。馬上棒。如掣電。難分  
疏。一聲百獸。皆腦裂。世人說是野干鳴。折  
楊黃。養。豔。燕笑。里耳由來無大聲。野干獅子  
翻覆手。止止不須更開口。有所說是野干鳴。  
無所說為獅子吼。洞山密行四十年。地祇  
迎拜。覓不得。嵩山半夜禮元珪。嚴淨毘尼。蓮  
佛初。古稱問道如麟角。諸天未說。盡迴域。將  
欲問法。問何人。天上人間無異則。五衰相現  
即無常。億劫不消。彈指力。一朝入室。得所師。  
三畝好學波斯匿。珍重爾神仔細。香墨煤雪  
粉同一色。和風慶雲。融怡怡。百靈翔衛出  
琉璃。空。香有無。恍兮忽。丁東琤珮。其來遲。五

體投地起致辭。大德固是人天師。蕩然無相  
心等夷。定不棄我。滿中藏。王山月文顯受持。  
一物與答皇天慈。法筵四衆齊變唱。龍喚女  
尤性嬌。吃乃肯死心梵網下。大哉如來普慈  
化。珍重龍女返靈駕。六道齊平均。屋舍請向  
末山過九夏。甘露頻滿。異咲蔗。不然漸減惡  
癘雲。亦免傷人與傷穢。地水火風一破袖。  
無始與我相周旋。我番敬予又改作。不長不  
短得所便。長子養源。蟻乳樂。栴風沐雨。顏色  
金。針補綴。無人代。一線之差。浩劫。惻惻。若  
何有。潔之完之理。則然。畢鋒巖中聚會時。  
四十餘年一彈指。恒星不見記春秋。性空真  
經却無始。老僧看得牛皮穿。無事且將遮眼  
前。瞎蛇已出。仍不眠。木魚聞聞月當天。龍公  
鬼伯花木懋。更有婆狐眼兒嬌。自家不識是

佛見來聽他人說法會。無情于法。熾然說。有情可以。不聞。有。情。說。法。無。情。聞。無。情。亦。得。具。聞。根。生。公。對。石。宣。妙。諦。頑。石。通。身。在。裏。許。若。道。公。能。開。石。迷。人。是。一。聲。塗。毒。鼓。于。秋。師。作。點。頭。曾。石。不。能。然。物。或。憑。古。之。神。靜。曰。師。瞻。洞。明。此。義。符。可。徵。天。花。亂。落。不。著。衣。是。曰。無。漏。何。羅。漢。老。子。仰。天。一。大。笑。若。與。不。著。得。其。半。若。則。不。度。世。間。相。不。著。證。果。其。非。設。是。佛。是。魔。是。衆。生。具。氣。方。眼。乃。可。索。四。十。九。年。說。三。垂。龍。藏。了。不。異。城。邑。塞。之。東。方。西。決。流。佛。力。魔。力。相。迴。換。曾。聞。帝。釋。試。調。御。聚。者。發。然。成。老。姥。又。聞。仙。子。守。金。丹。淫。女。失。聲。走。龍。虎。是。皆。楊。葉。止。兒。啼。聊。以。釣。鯢。喻。彼。替。不。來。活。句。未。死。句。一。場。長。夢。異。比。數。人。在。見。聞。知。覺。中。見。則。覺。知。非。是。主。者。色。猶。天。揭。地。來。主。人。無。主。奴。撒。舞。外。蛇。闌。而。內。蛇。傳。此。



蘆花而彼蘆花。百年不得利。那定。羣魔輪轉。  
入心。瞻。一旦發真。而歸元。方笑魔宮本淨土。  
如如不動。道場圓。客作賤人。成主父。了知心。  
鏡。互自他。漚滅。無生相。葶乳。萬善同歸。大圓。  
鏡。淨穢兩邊。不依怙。香象渡河。踏到底。免馬。  
異能。踵其武。如來云。何說小乘。只為慈悲。甘。  
寄廬。五波羅密。並圓成。般若非五。而即五。不。  
樂王宮。樂桑下。不願上人。願受侮。在昔先民。  
亦有言。然。落過于惡。痛苦。所以志士與仁人。  
不以歡。華易刀。但。果然。解此。鐵脊。梁。魔王縮。  
手弗莽。肉。廓然。無聖無一事。未可西歸。聊。  
此寄。世人屈指已九年。達者不殊。出信臂。高。  
雲盤盤。盤。至入懷。日面月面。往復來。一卷楞伽。  
繫肘後。神光雪裏。空徘徊。朝朝暮暮。跏趺坐。  
不道中無此。子錯。仁者莫便。掀禪牀。且共燈。  
籠。檢點過。覺王舒手。標月指。人人求月于。

指端。豈知見指即無月。一指元來非廣寒大  
德乃有起師智。謂月與指寧有二。請看指上  
出天宮。是指出是。大還是戲。重重樓閣空中開。  
金銀琉璃先在。此是七寶修月手。彌勒曾  
將接善才。戒音那畔無此賊。彌勒下生便  
充塞在天有五人。有六五六中合塵不結。只  
成熱火。則曰德大。成寒冰。斯為惡。德惡分紅  
各自知。究竟皆歸烏。刻墨李耳清淨深所與。  
周孔乃用大師克。道人宴坐但嘻笑。空之大  
佳。援亦得。同求一法道場中。演出無邊樂  
經海。海中沙數不可量。請問云何所以。答  
言煩惱亦菩提。孰為可棄孰可采。況此親從  
佛口出。玉鏡交光無定彩。汝鏡即是般若鏡。  
沙弱須為精進鏡。一沙中見一如來。入海數  
沙大自在。解衣披胸天地寬。由來爾許皆  
無明。見此子佛不可得。姑然人面何來。要八

還辨。考七處。微。況乃四大和合。成。比干之。靈。  
無一聖。陽。煇。水。方。乾。闥。城。當。知。無。心。亦。無。佛。  
無。佛。法。爾。亦。無。生。衆。生。心。佛。三。即。一。雲。門。一。  
佛。天。下。平。賢。叔。干。佛。受。記。時。將。軍。屠。刀。久。  
故。下。豈。不。立。地。便。成。佛。願。以。此。身。衛。仁。化。精。  
造。極。須。信。力。扶。無。明。鬼。用。慧。了。射。流。鈴。擲。火。  
九天。未。熱。惱。閻。浮。幾。脫。夏。吐。莖。珠。本。在。衣。中。  
我。自。保。仕。卿。奚。借。藕。絲。挂。起。須。彌。山。雙。葫。將。  
軍。金。甲。却。教。臣。張。照。敬。題。  
鈴。印。二。臣。張。照。心。正。筆。正。

第十合綃本十

對幅。每幅縱一尺。橫八寸九分。郎世寧設色。

畫各種花卉。一。牡丹。二。蘭花。三。罌粟。四。蝴蝶。

五。芍藥。六。石竹。七。蓮花。八。雞冠。九。蠟梅。天竹。

古菊花對幅梁詩正題

東風花信二十四。惟有牡丹高位置。天香國  
色競花王。百卉紛紛盡。儘史當年勝事數。洛  
陽歐公花品紀。載許異種。犀推姚與魏。輕紅  
聲價尤殊常。春工狡獪。矜妖美。暗漬胭脂染  
丹蕊。嫩雲晴日暖。烘枝吐作重臺扶不起。翻  
翩絳。那何鮮穠。自是天然富貴客。寫生翰與  
在徐手。圖入鸞綃。分外工。最蘭羅幽谷。綠  
葉而紫莖。娟娟秋露中。素蕊含香清。作花何  
必多。若澤迤邐。涼風一披拂。淡與人相迎。  
品高凡卉讓。質秀非春榮。抽琴理雅操。遠嬰  
宣尼情。種向秋蟾三五開。時直待春歸不  
使東風寂寞。繁英香徑成圓。花信風纔吹  
過。扶闌采采。嫣然生色似分妃。魏。寫來西蜀  
黃筌。翠朵娟娟。龍花心曉。露含一枝香色

興。小袖剪雲藍。露濕枝條潤。良薑吐碧花。  
春風添阿那。吹頭小青霞。翠喜蓮仙黛。紅  
衣裂絳綃。一般顏色麗。兩樣闌嬌。曾記  
王親譜。將離種獨新。萬花開有會。三月殿餘  
春。當初枝如露。凭闌香近人。豈臺千百朵。入  
畫倍精神。小草偏名竹。秋來破蕊妍。叢抽  
青節弱。碎剪絳英圓。香細留孤蝶。花繁綴錦  
綃。羅衣描繡樣。好句記詩仙。博白醪。雙枝  
紅白間。便娟水國香。生薑葛天涼。露洗花嬌  
唇潤。汀風拂柳葉翠盤圓。影搖素淑粧。尤淡色  
狀朱霞晚。更妍却笑池塘雙蛱蝶。也憐芳氣  
不飛還。花好歲如雞。幘丹清霜染就耐秋  
寒。淡金名徒虛語。試向枝頭仔細看。絳  
風雲冷。一案秋色爛紅霞。異種來從真臘  
國。朔風吹破小寒時。垂垂細蕊。態如碧山雪。

初晴光一棹。誰號黃梅作。蘇黃題品  
 入詩材。至今聲價高。花譜合與瑣林並。占魁  
 一樹。收為佩。隱見羅浮月。木殘。商飈吹林。  
 露氣滿谷。燦燦霜英。冷香內蓄。味與秋清。淡  
 宜月沐。芳馨可食。曾譜仙籙。涼雨乍消。蘭皋  
 委綠。茲花獨榮。迥標高閣。柏葉初紅。寒禽並  
 宿。野蝶不來。鳥聲斷續。倘遇淵明。采采盈掬。  
 相對悠然。南山在日。每幅款。臣梁詩正敬題。  
 鈴印二。臣梁詩正。蓬山恩永。

鑑藏寶璽  
 七重  
 古希天子八徵耄念之寶。養心殿

鑑藏寶樂善堂圖書記五福五代堂古稀天子

寶壽天恩八旬八徵耄念之寶。靜宜園